

ርኢሰ ኢሰያስ መርከዝ ተኔሂል ኮንፈረራልየት ሸቃለ ደሐረ



ርኢሰ ኢሰያስ አፍወርቂ፡ ኤረትሪያ ዮም 13 ሸሪካት ብነ በሐር ቀየሕ ሰያሐት፡ ወብዕድ ምስል እሉ እግል ሸቅል ዱሉይ ዲብ መዲነት ባጼዕ ለትሸቀ ፌብራሪ ደሐረዩ። ወሳወ ለትበነ እትገቢእ፡ በሐር ለልትጸበጥ ተኔሂል ክም ሀለ ተኣመረ። መርከዝ ተኔሂል ለሰለሰ ጣብቅ ለቡ እግል ለሀብ፡ መካትብ እግል ለሀብ፡ መካትብ ኮንፍረራልየት ሸቃለ መብነ፡ እብ መዓወነት ዕጩይ ወሐጺን፡ ከደማት ወኣሳሲ ኣላት እንዴ ገእ

እዮቤል ፍደት ፈንቅል እብ ነያረት ተዐየደ



“ፈንቅል መንገዳት ሕርየት” እብ ትብል ሰቅራት ምን ዮም 12 ለኣንበተ ዒድ ዝክረት ኢዮቤል ፍደት ናይ ዐመልየት ፈንቅል ወተሕሪር ባጼዕርኢሰ ኢሰያስ አፍወርቂ፡ ውዘራእ፡ ቅያደት ዴሽ፡ ሕካም ኣቃሊም፡ ውቁላም መሰኡሊን ጀብህት፡ ምሓብር ወእብ ኣላፍ ለልትዐለቦ ምን ዐድ ወካርጅ ለመጽኣው ቤጽሐት ዲበ ሐድረወ ትዐየደ። ለእብ ኤሪቲሺ ወክርን ገቢል ሙባሸር ለትቀደመ በርናመጅ ዮም 15 ፌብራሪ ሐቆ

አዝሀር ዲብ ሲነመት ሰጋለት እብ ገብኣ ናይር እክትታም ረሰሚ ተ’መ። ዲበ ዓደት - ርኢሰ ልጅነት ዒድ ኢዮቤል ፍዲ ዐመልየት ፈንቅል አሰይድ ክብሮም ዐንደሚካኤል ዲበ አሰምዐየ ክለመት፡ ለታሪክ ዐቢ ለቡ ሐደስ፡ ዲበ እግል ኣምጽኦት ሕርየትን ለገብኣ መዓርክ ወዐመልያት ዕምር እስትዕማር ለኣጫረ ሰበት ቱ፡ ዲብ ኣጅያል ዲብ ልትዐዴ እግል ልትከዘር ለትኤተነ በራምጅ ከም ትቀደመ

እቱ እንዴ ሐበረ፡ ክሉም እግል ሰርገሉ ለክድመው መእሰሳት ሕክመት ወኣፍራድ ሐመደ።

ልጁን ዓዳት፡ ኣብያት ዓዳት ወዕፌ ዲበ ቀደመው ተቅሪር፡ እብ ዓመት መጃገረት ዐባይ ክም ትርኤት፡ ውሕደትን ለለኣደቀብ፡ ወኣጅያል ሐዲስ ለለኣወርስ ሰነድ ወጠኒ ክም ዐለ ሸርሐ።

ዲበ እብ ሐልየት ወሰሰዒት ዓዳት ምዴርያት ኣዶብሐ፡ ገልዕሎ፡ ኣፍዐበት ለገምለት ዓደት ካቲመ፡ እት ገማለት ዒድ ዶሮም ለቀደመው ምዴርያት፡ ወዲበ ገብኣ ጅግረ ለትዐወተው ምን ሰክርቴር ጀብህት ሸዐብየት እግል ዲሙቅራጥየት ወዐዳለት አሰይድ ኣልኣሚን መሐመድ ሰዒድ ወኣክመት ኣቅሊም ቅብለት በሐር ወየሕ አሰይደ ጽጌራደ ወልደገርጊስ ወብዕዳም ጀዋእም ትከበተው።

ሓይሳም ቀርኸት፡ ከክሕትፋኤ ምን ከወኪ ከት ካከረ ከሸፈሕ ተፋሲኤ ምን ገጽ 2 ከንደ ከንበት ዴኩይ ከኩም ሀክ፤

ገዲም ሙናድል ሚ/ጀነራል ኣሕመድ ካካይ፡ እብ ሕማም ትወፈ



ገዲም ሙናድል ሚጀር ጀነራል ኣሕመድ ዑመር መሐመድ ካካይ እብ ሳደፊዩ ሕማም ዲብ እስብዳልየት ቅወት ጀው ወካርጅ ልትዓለጅ ሐቀለ ጸንሐ፡ ዲብ ዮም 14/02/2015 ጽብሕ ምድር አስተሸህደ።

ዓደት ቀብር ምሒርባት ሚጀር ጀነራል ኣሕመድ ካካይ ዮመቴ ኣርቡዕ 18/2/2015 ኣክል ሕድ ሳዕት 10:00 ኣዳሕየት ዲብ መቅበረት ሹህደ አሰመረ እግል ትግበእ ቱ።

ገዲም ሙናድል ሚጀር ጀነራል ኣሕመድ ዑመር መሐመድ ካካይ በዐል ጸወ ወኣብ ምሮ ው’ላድ ቱ።

ውዛረት ድፈዕ እብ እስትሸሃድ ምሒርባይ ሚጀር ጀነራል ኣሕመድ ዑመር መሐመድ ካካይ ለትሰመዐየ ሐዘን መሪር ዲብ ትሸፊሕ፡ እግል ዓይሉቱ ወፈተቹ ኤማን ለሀበኩም ትብል።

ሉለት ሉል ለብሰት

ርቦዕ ዘመን እት ሕርየት ለክልሉት ሚኒትነ ወዳሲመት በሐርነ ላተ መዲነት ባጽዕ፡ ዒድ ኢዮቤል- ፍዲ ዝክረት ተሕሪረ ምን ዮም 11- 15 ፌብራይር ወዳት፤

እሊ 10 ምዴርያት አቅሊም ቅብለት በሐር ቀየሕ በህለት ቅርረ፡ አዶብሐ፡ ነቅፊ፡ አፍዐበት፡ ሽዕቤ፡ ግንደዕ፡ ባጽዕ፡ ደህላክ፡ ፍሮ ወገልዐሎ ኩሉ ዐፍሽ ዐዋዲህን፡ መናበረተን ወፍኑነን እንዴ ሐየበዩ ለሻረከዩ እቲ ዒድ ዝክረት 25 ሰነት ዐመልየት ፈንቅል እግል ትትሐደር ባጽዕ ምን ቀደም አውረሐትቲ መትዳላየ ወሰርገህ እብ ሰነካ ወእዳረተ ለአስተብዴት፤

ጋሾታተ እግል ትትከበት ለአንበተት ህዩ ምን ዮም 10 ፌብራይር ዐሉ፡ ሽዋርዕ መዲነት ባጽዕ እብ ኩሉ አንዋሩ፡ መንዴራቲ ወሽዓራቲ፡ ክምሰልሁ መ እግለ ፊቃዶ እግል አግመሎት እበ ትነደቀት እቲ ብንዩት ትሕትየት መዓርድ፡ ስቴጃት ፍረቅ ዓዳት ወብዕድ ሰርጎ እት ሕድ ጀውህር እንዴ ገብኤ፡ እግለ መዲነት ዝያደት ነያረት ወሰከዩ፤

ባጽዕ በዲረ ግርም፡ እብለ ምን ርእየቲ ዕንክ ለኢትጸግብ አምዋጅ በሐረ፡ እብለ እትሊ ሐን ጎነ ለትረሻርሽ ኩሐላት ጀው ለትአበርድ እግልክ ዝላመ ሽግለሊት እት በልሰ ጸሓይ እንዴ ሐብዐ ደለት ለገብእ እግልክ አግያመ ዶል ጸንሐቶም፡ ኩሉም ምን ካርጅ ወቀበት ዐድ



ለመጽአወ መዋዋኒን ልግብኣ ወውላድ ካርጅ እበ ክልኤ እዲህ እብ ገጽ ፋርሕ ክም ትከበተቶም፡ ለውቀቶም ለውቀት ትወሰከተ፤

ለበራምጅ ረሰሚ እት ዮም 12 ፌብራይር እብ ክርየት ዕምቦባታት እት ተምሳል ሹህደእ ለብእተ ዋዋሎት፡ ምስለ ሰለሰ መናበት ክቡድ አሰለሕ ወዴሽ ሽዐቢ ኤረትርየ ላተን ደባባት እብ ርኢሰ ኢሰያሰ አፍወርቂ ክም ገብኤ፡ ሐቀሁመ መዓርድ ወመናበረት ሽዐብ ቅብለት በሐር ቀየሕ ለልአርኤ ቀወሺ እብ ርኢሰ ክም ትከሰት፡ ርኢሰ ኢሰያሰ እብ

ውዘረኤ፡ መስኡሊን ጀብህት፡ ሕካም አቃሊም፡ ቅያደት ዴሽ ወዕጋል ብዕዳም ክምሰልሁ መስኡሊን መሓብር እንዴ ትተለ እግለ መዓርድ ምን ገብእ ወመናበረት ሽዐብለ አቅሊም ለወዴሕ ዕፌ እት ልዳወር ዐፊዩ፡ምን ገጽ ምሴመ ርኢሰ ኢሰያሰ እት ሕዋምሎ ብኩይ ለህለ ዘበናይ መብክ ኮንፈደራልየት ሽቃለ ኤረትርየ ደሐረ፤

ሐነን ደላሊክ፡ ዕላላት፡ በርጅ ወክሰከሰ ፈረሕ ግልብብ ለአሰመነ መዲነት ባጽዕ፡ እት ሰነት 1990 ለሐረረወ ምሕርበትመ ባሳት ዐባዩ እቲ እንዴ ገብኤው ምን ለትፈናተ አካናት ኤረትርየ አንፋር ዴሽ ሽዐቢ ከፈፍል ዴሽ 16፡ 70 ወ85 እተ መናሰበት እንዴ ሐድረው ለዘት ዝክረት 25 ሰነት ኢዮቤል ፍዲ ዐመልየት ፈንቅል ምስል ሽዐቦም ዐየደው፤

ፍረቅ ዓዳት ምን ምዴርያት፡ አቃሊም፡ ወደውለት እንዴ መጽአው ላሊ ወአምዕል እት ሲነመት፡ ስቴጃት ወቀወሺ ኩሉ እግል ፈንቅል ለሽፊሕ ፈን ተማሰል፡ ሐልየት፡ አሽዓር ወኮሚዲታት እት ቀድሞ፡ ዴፍዮቶም ረይሐ አሰመነው፤

ጅግራታት ርያደት እት ቀበት በሐር እብ ጅላብ ወሕማሴ፡ እት ምድር እብ ሰዐይ፡ ዐጀላት፡ መቶራት፡ ዐረባት፡ ኮበራት እገር፡ ባሰኬት ወሾሊቦል ወእት ሽምሽም መሓዛትመ እንዴ ኢተርፍ እብ ብድረ እንሰ እግለ ዒድ ዝያደት ገማለት ሀበዩ፤

ዲብ ህጁም ፈንቅል ሰነት 1990 ልግበእ ወሰነት 1977 ለሻረከው ፍራሰ ምሕርበትመ ምነ መጅገሎ ለሀይ እንዴ ተርፈው ካልቅ ሓኩ ምን ቤለዮም፡ ፍርሰነትለ ምስሎም ለዐለው ሹህደእ ወሕያያም ፍራሰ ምናድሊን እት ሳሊን እግለ ዌርሳይ አጅያል ነኣይሽ ወደረሰ ኩልያት ዳግሞ አሰመነው፤

ምን ሱዳን ምስል ጃልየት ኤረትርየ ለመጽአው ፈናኔን ሐው ሱዳንዩንመ እተ መናሰበት እዮቤል- ፍደት ዐመልየት ፈንቅል እንዴ ሐድረው፡ ምስንዮት ሽዐብ ሱዳን ወኤረትርየ ምስንዮት አማን ክምተ እብ ፍዕል እብ ፈናም ሽርሕወ እስመናም ቶም፤


ሽዐብ ምዴርየት ባጽዕ ለፍጉር እቶም ልትዓዩር ሰበት ዐሉ፡ ክም ዐድ ወለት ህዳይ ዓይሮም እት መስሎ ኩሉ መዳሊቶም እንዴ ወደው፡ ለሰልፋያት አምዕሎታት ምስል አዳሞም ወዮም 15 ፌብራይር ህዩ እት ዳሳት ዳሕያቶም ለልትበለዕ ወለልትሰቲ እንዴ አዳለው ፍጉሮም እብ ክልኦት ፈረሕ ሳርሐወ፤

ዐመልየት ፈንቅል እት ለትረኣ ፍርሰናታት እብ መጅብ ቅሰሰ 25 ለትፈናተው ኬትብት ለክትበወን 37 ቅሰት ሐጫር እንዴ ሐየበ ለትደሐረ ክታብ “ፈንቅል”መ እተ መናሰበት ዝክረት ፈንቅል እት ዮም 14 ፌብራይር ሐቅ አመቅራብ ትደሐረ ወክሎም ሕሰራም እንዴ ትዛበወ፡ ለዘት ፈንቅል እብ ቅራኦት፡ ዕፌ ወሰመዕ ለአዳወረ አሰመነው፤

አዳም ኩሉ አሰክለ ሐረት መዓርድ ናይለ ኩሉ ወቀይ ሰውረት ወሽዐበ ለሽፊሕ ቅያሰ ለአለቡ ሰወር እብ ለትፈናተው መሓብር ንዳል ወውዛረት እዕላም፡ ክምሰልሁ መ እብ ቀወሺ ናይ ዐሰር ምዴርያት አቅሊም ቅብለት በሐር ቀየሕ እግል ልዕፌ ገጽ አሰቡሕ፡ ምሴ ወላሊ እት ለአትቃብል እት ዝክርያት ሐበን ለሐምሰ ወተውሰ ክምሰልሁ መ ለትፈናተ እግለ ዐመልየት ለሽፊሕ ወራታት ሉኣቅፍ ዕፌ ካርኒሻል ምን ቀጣን ገበይ ሲጋለት እንዴ ትበገሰ አሰክ ሚነት ረኣሰ ምድር አሰረረ፤ ለካርኒሻል፡ ታሪካይ ከዋ ቴሌፈሪክ፡ ገበይ ባቡር ወጽርግዩ ለትአርኤ ሰራት መግትክ ምድር፡ ባጽዕ እት ወክድ ሐርብ ፈንቅል ለዐሉቲ ቴለል ደማር ወኣዜ ባጽሐተ ለህሌት ዐማር ለልአርኤ ሰወር እድንያይ መጣር ባጽዕ፡ እት በሐር ለትረከበ ገዲም ዐፍሽ ከላት፡ ምናድሊን ባጽዕ እት ለኣቲ ወሽዐብ እት ልትከብቶም ክምሰልሁ መ እት ሕፋብ ፈንቅል እት ህለው ለልአርኤ ሰወር እብ ባቡር እት ልትሰሐብ፡ እት ረኣሰ ፍረቅ ዓዳት እንዴ ትጸዕነ እት ለሐሌ ወሰናቂ አሰክ ሚነት መረሸ፤

መዲነት ባጽዕ ህዩ እብለ ወብዕድ ወራታት እግል ሐምሰ ምዕል ጋሾታተ ዲብ ትለውቅ ወትረይሕ፡ ፈናኔን እበ ትትሐዜ ምናም ለልትጠለብ ዲብ ለአተሞ ፈርያቶም ቀድሞ እት ህለው፡ ዴፍዮቶም ለረይሐው ዲበ ወአዳመ እብ ዕጹፍ እንዴ ወሰክ ምን ጎድ እት ጎድ ርግሕት አሰመነት፤ ዐመልየት ፈንቅል ህዩ ባጽዕ ሌጠ ለሐረረት እንዴ ኢትገብኤ፡ ኩለ ሰምህር ለትሸምል ዐመልየት ሐረሮት ምድር ርሒብ ሰበት ተ፡ እብ መጅቡ ለእግል ዐየዶተ እት ርቡዕ ዘመን ለገብኣ ወራታትመ ፋዬሕ ወዝያደት መዕነት ለቡ፡ መዳሊት ብዙሕ ለገብኣ እሉ ወመትፈርጃዩ ደርሰ ወበሰጤ ለልሀይብ ክም ዐለ እት አፍ ክል ቤጽሓይ ለትረክበ ሐገገት ዐለት፤ ባጽዕ ወድዋራተ ህዩ መርዓት ለዓይር ፍጉረ ሰበት ዐለት እት ትትጋረም ወትትሰርጌ ረኣሰለ ግርመተ ሉል ክድንት አሰመነት፤

ዲብ ገጽ 3 ልተላሌ.....



እፈትርየ ፀጃዳሽ

ክል አርቡዕ ለትጠብዕ ጀሪደት

መዳልያይ፡

መሐመድ እድሪስ መሐመድ

ናይብ መዳልያይ፡

አድም ሳልሕ (አቡሐሪሽ)

ለይ-አውት፡

ፋጥና አደም

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

አትአመሮት፡

ተለፎን፡ 125013፡ ዕ.ሰ.ቡ፡ 1284

E-Mail: tigreit@zena.gov.er



3

“ዐመልየት ፈንቅል፡ ለናይ ደንጎበ ንጋረት ዐውቲ”

ሚ/ጀነራል ሃይሌ ሳምኤል

እብ መፍሰሱ 25 ሰነት ገዝጽት ዐመልየት ፈንቅል ወመትሐረር መጽነት ባጽዕ እግለ ዐመልየት ለከሰሰ ወጽተ ዐመልየት ለኡብጸሐ፡ ወሳኤል እሳላም ምስል ሚጀር ጅነራል ሃይሌ ሳምኤል (፱፻፸፱) ለወደፍ ከልፍየት ወተጠውራት ለትሐብር መቃብላት ፋይሐት ጋብጽት ሀሌቱ ምን እለ ጥብባት እንጻ ኣገበትካ ሆይ እብ ከፈፍል እግል ነኣፍግራ ቱ ካልኣይ ወፍይ ደንጎበ ክቱለ ሆይ እለ ቱ።



ሙናድል
ሃይለ ሳምኤል ቀደም 25 ሰነት

ሐቀ እለ ለትመጸኢ ዐመልየት ፈንቅልተ። እት ዐመልየት ፈንቅል ለዐለ ተርቲብ ወመትመዳድ ዲሽ ኣባይ ወዳሽኻ ከኣፎ ትሸርሐ?

ቻይነ። እትለ ጀበት እለ ሐምስ ኣጋር በራጊድ ናይ ሳድስ ክፍሌጦር

ነበልባል ክፍለ ጦር ናይ ኮር 606 ተን። ገበይ ለእበ ሸፋም ዐለው እግል ንርኤ ገኣነ ምንገበኢ ምን እምቤረሚ ኣሰክ ምፍጋር ጸሓይ ከንቲባይ ብርጊድ 500፡ ምን ምውዳቅ ከንቲባይ ኣሰክ ሸበሕ ብርጊድ 83፡ ምን ሸበሕ ኣሰክ ኣብ-ግርግር ወመንተብሌ ብርጊድ 113፡ እለ ብርጊድ እለ ኣዜ እት ሆንቲሁ ልትነዘም እብ ሀለዮቱ እንዲኢትን ለኣሰሉ ምን ናይ ሳብዓይ ክፍሌጦር እብ ሐመረ ለመጽኦ እት ገበኢ ሐቀ እለ ብርጊድ እለ ብርጊድ 69 ኣጋር ብርጊድ ናይ ዓሰራይ ክፍሌጦር ፡ ሐቀሁ ብርጊድ 112፡ እለ ብርጊድ እለ እት ሽጥ ተውዘሪ ናይ ግንደሪ ጋሕቲላይ እቡ እንዴ ጸበጥክ ኣሰክ ደማስ ለሀለ ድዋራት ለራቅብቱ። ብርጊድ 21 ሆይ ዲብ ዐድ ዕሌ ክም በዲል(ጽበጢት)። ዲብ ዐድ ዕሌ ክም ጽበጢት ልትረተብ እቡ ለሀለ ሚቱ? እት ዐድ ዕሌ እት ዕለት 19/01/89 ፈለል ሻምል ሰበት ሳደፈዩ ኣዜመ ብቐት እግል ኢትሳድፍ መትነዛም ሐዲስ ወተርቲብ መትመዳድ ወደ።

እምበል እለ መካናይዝድ ብርጊድ 29 ዲብ ማይ ውዑይ ዐለ። 27

መካናይዝድ ብርጊድ ሆይ ዲብ ፎር። ራብዓይ ብርጊድ ደባባት ናይ ሳልሳይ ክፍሌጦር፡ እት ክሌመ ምስል ራብዓይ ክፍሌጦር ለተዐለመው ሆይ ዲብ ባጼዕ ዐለው። ብዕዳም ናይ ክበልባል ክፍሌጦር ኦሮ ብርጊድ ደባባት፡ እምበልሁመ 302 ጥቶራይዝድ ብርጊድ ዲብ ክሌመ ለትመሀረ ዲብ ዶገሊ ዐለ። ብዕዳም ቢኡም ሻለቃ ወቢኤም ባተሪ ኦሮ ዲብ ዐድ ዕሌ ዐለ ወኣርመ ዲብ ባጼዕ ዐለ። ኦሮ ታንክኻ ሻለቀ ናይ ዓሰራይ ክፍሌጦር ሆይ ዲብ ዐድ ዕሌ ዐለ። ለብዕድ ደባል ናይ ክበልባል ሻለቃታት ክም ከረ መዳፊዕ መዳድ ጥያራት፡ ታንክኻ ለልትበሀሉመ ዲብ ባጼዕ ዐለው እለ። ክምእነ መስል ለደቅብ ናይ ኣባይ።

ነዕዩት እለ ቅዋት ኣባይ ምን እንረኤ ሆይ፡ ለብርጊድ 500 ልትበሀል ለሀለ ቀደም እለ ዲብ ዐድ ዕሌ ለትደክነቱ።ብርጊድ 83 ሰር መቅደረቱ እግሉ ሀበዩ። ሐዳይስ እንዴ ትወስከው እቱ እብ ሐዲስ ትካው(ትነዝመ)። ብርጊድ 113 እት ሳብዓይ ክፍሌጦር እብ ጎንደር ለኣተ ገበኢ እት ሀለ፡ እት ደዋሒ ኣሰመረ ምስል መክት እዝ ዴደባን ለዐላቱ። ሐቀሁ ምን ደዋሒ ኣሰመረ እንዴ ፈግረ ምን ሰነት 1987 ኣሰክ 88 እት ካርኔሽም ወሰሚናዊ ባሕሪ ምስል ዴሽ ሻዕቢ እት ሕሩባት ጽሙድ ሰበት ዐለ ሐሊቱ ሰኒ ታክመት ዐለት። ብርጊድ 21 ሆይ ዲብ ዐረዘ ለትዘበጠት ከሐር ኣትናሳር ለገኦ እለ ዋሕደት ተ። እት ረኣሰ እለ እት ምውዳቅ ሐማሴን እት ሰነት 1987 ቅዋትነ እት ልተራተዩ ህጃማት ወደዩ እት ዐለዩ ዲብ ወቅት ሐሊቱ ማይተት ዐለት። ለተሌ ሚካናይዝድ ብርጊድ 29ቱ። ብርጊድ 29 እብ ተማሙ እት ናደው ትደክከ። ከእብ ሐዲስ ቱ ለትካው። ሚካናይዝድ ብርጊድ 27

መ ዲብ 1985 ዲብ ባርንቶ ትናቀሰ ከዐለ። እለ ሆይ ለበዲር ዴሽ ሽዕቢ እት መዳፊዕት እት እንጉቱ ወድዮ ለዐለ ዐመልያት ዐሰከሪ ድዕፍ ቅዋት ኣባይ ከልቀ በሀለት። ሰበት እለ ዲብ እለ እግል ህጃም ንዳሌ ዲብ ለሀሌነ መደት ሐሊት ኣባይ እትለ ሐልፈ ናይ ዐሰር ሰነት ሕሩባት መጃገረት ሰኒ ወኣማን ድዲፈት ዐለት ለበሀለት ቱ።

እግል ዐመልየት ፈንቅል ለጉበኣ መትዳላይ ሆይ ከኣፎ ዐለ እግል ኒበል እንቀድር?

ቻይነ። መዳሊት ሰኒ ድቁብ ጉብኣ። ሐቱ፡ ለሐርብ እት ጋድጥታት እግል ልግበኦ ሰበት፡ፊጅር እት ጋድጥታት ዲብለ እንወድዮ ሐርብ፡ ሰልፍ ደቅብ ኣባይ ወንዛም ለእቡ ሻፍፍ ሀለ ሰኒ ወኣማን እግል ልት’ደሌ ዐለት እለ። እግል ኣባይነ ሆይ ሰኒ ነኣምር ዐልነ በቃዐቱ፡መትመዳዳ፡ ንዛሙ ምንገበኢ ወሽክለ። እለ ሆይ እብለ ምንቀዳምን እብ ዋሕዳት ዐይን(ሰለለ) ወምን ለሰለመው ዐሳክር እንረክበ ለዐልነ ሐብሬ እግል ነኣምር ቀደርኩ።ኣባይ ኣሰክ ናይ መኣዘዘ(መምርዮ) መሳክቡ ትበጹሕ ገኣክ ምንገበኢ ከኣፎ ሻፍፍ ሀለ፡ ኣሰለሓቱ፡ ናይ ቅሩብ ወናይ ረዩም ናይ መዳፊዕት ሰዋትሩ ወበዕድ መዕሉማት እግል ትርከብ ኢተሐይለከ። ለናይ ሰለለ ላሊ ወኣምዕል እት ሕፍዝ ናይለ ኣባይ ሻፍፍ እቱ ለዐለ ኣካናት ፍሩራም ዐለው። እብ ኣተላላይ መዕሉማት ጀመሶ ወልልእኩ። ለኣማክን ሆይ ጋድጥታት ዐቅበ ሚፍቅ ለቡ ሰበት ጉብኣ ክም ቀልጦም እግል ለርእዮም ለቀድር ምን ኢጉብኣ እት ዕጪይ ዐቅበ እንዴ ዐርገው እግል ሽክል(መካሪት) ናይለ ምድር ለሐፋዞ ዐለው።ቀደምለ ህጃም እተ ወድዎ ዐለው ድራሳት ኣሉሮም ጀላብ እግል ኢልትረኤ እስኢዮታዮም እብ ኪሰ ኣንዴ ኣልበሰም ገይሶ ዐለው። ኩሉ እንዴ ሐልፈው እግል ኪሰ ለኣስኢን እንዴ ቢለው ለሸቅዎ ዐለው ክም ኮምፕላሳዮኒ እንዴ ለብሰም ለገይሶ እቱ ኣውካድ ዐለ። ሰበት እለ እብ ክእነ መስል እት ልትሐብዑ ወምስል ሽክል ኣርድየት እት ልትማሰሎ ለትፈናተ ወራታት ሰለለ ወዱ ዐለው።

ኣዜ ህጃም ክም ገበኢ ኣከድኩ።እምበልለ እት ጋድም ለዐለት ዋሕደት ብዕዳት እት ህጃም ለሻርክ ዋሕዳት ዲብለ ባካት እግል ኢልምጸኦ፡ ልቃኦ ለልትበሀል እምበለ እት ጋድም ለሀሌት ዋሕደት ብዕዳት እግል ኢሊደዩ፡ እት ህጃም ለሻርክ ዋሕዳት ሆይ እት ናይ ዜሮ ሰዐት ለትሰረረተ ቀደሙ እት ኣካን እግል ኢልምጸኦ፡ ለዓልያም መስኡሊንን እብ ዐቢ መትደጋግ ሐረከት ኣንዴ ወደው

ምስለ ኣካናት እግል ልትኣመር፡ ለዐበ ናይለ መደት ለሀ እተ ጀብሀት ለትሰርገለ ወቀይ ሆይ ረሰም(ከሪጠት) ሽምሽም ናይ መካሪትለ ምድር ኣዳለዮት ዐለ። ለከሪጠት ሽምሽም እግል ትዳሌ ወሬሕ ወሰለሰ ሳምን ነሰኣት። ግሩም ሸቀወ። እለ ኩሉ እንብሎ ለሀሌነ ተርቲብ ወንዛም ናይ ኢጋር ውሕዳት ልግበኦ፡ ኣልቃም ለሽጉር እቱ ኣካናት ክምስልሁመ ለኮማንድ ፖስት(መኣዘዘ ኣካናት)፡ ደባባት፡ መዳፊዕ ለሀለ እቱ ኣካናት እተ ከሪጠት ሽምሽም ዱሉይ ሀለ።ክሉሎም መስኡሊን ናይለ ለህጅመ ቅዋት ሆይ እግል ከሪጠት ሽምሽም ክም ልርእው ወረኣዮም ክም ለሀይቦ ጉብኣ። ሐቀሁ ለዓልያም መስኡሊንመ ኣሰክ ኣሚን ዓም ኢሰደሰ ኣፈወርቂ እት ቅንጻል ዲብለ ትበሀል ኣካን እንዴ መጽኦ ክምለ ጉብኣ ዐሰከሪ ዓዲ እግል ምድር ረኣዩ። ወናዩ ተቅዩም ነሰኣ ክምስልሁመ እበ ኸሰሶም ናይ ዐይን ውበዕዳም ጀሃት ለተትሐዜ ሐብሬ እንዴ ትክበተ ወናዩ ተቅዩም እንዴ ነሰኣ ኣካት ኣቅበለ።

እንበልሁመ ኣጋር ወመካናይዝድ እብ ሕበር ትለማመደው። እለ ሆይ እግል ደባባት ሚትሰድዩ ወህተ ሚ ሰዳይት ትወዴ እክ እግል ኣመሮት ቱ።

እተ ዐመልየት እግል ንትዐዴ፡ ለጀብሀት ምስል ቅወት በሐር ለዐለት ኣለ ዕላቀት እብ ከኣፎ እግል ትሸረሐ እነ ትቀድር?

ቻይነ። ቅወት በሐርነ ንዝምት ወክቲት ተ። ፈዳቢት ሐሊት ሽቅል ሆይ ዐለት እለ። እት ዐመልየት ፈንቅል ወክቲመተ ሌጠ እንዴ ኢጉብኦ ወለ ቀደሙመ እግል ተጀርበት ዐባይ ላበ ቅወት በሐር ኢትዮጵያ እት ኩሉ ቅብለት፡ግብለት ወምፍጋር መናጥቅ በሐር ቀየሕ ድቁብ ዐመልያት ትወዴ ጸንሐት። ሰበት እለ ለወቀይ እብ ፈድል ምስንዮት ቅወት በሐር፡ መካናይዝድ ወዴሽ ኣጋር ተ’መ። ኣሰክለ እት ደንጎበ ባጼዕ ኣግል ንጽብጥ ለወዴናህ ዐመልየት ለዐለት እሉ ግዴት መስትንክርተ። ሰበት እለ ኣወለን ንዝምት ተ፡ ጽዋረ ንኡሸቱ፡ 23፡14.5፡ 75 ወለመሰሉ ለጾረት ዋሕደትተ። ላኪን ሆይ ትርድት በቃዐት ሽቅል ላቡ ውቅል መዕነውየት ለዐለት እለ ቅወትተ። ሰበት እለ ኣባይ ለተኣሸንርብ ዐመልየት ወዴት እግል ልትበሀል ልትቀድር።

እት ዐመልየት ፈንቅል ጸብጣሙ ለዐልነ ተርቲብ ሸፍ ሆይ እብ ከኣፎ ልትወሰፍ?

ሚ/ጀነራል
ሃይለ ሳምኤል 2015

ቻይነ። ተርቲብኻ ከኣፎ ዐለ? ለእሉ ነህድግ ጸንሐነ ቅዋት ኣባይ እግል ልጃብህ ለሻረከዩ ውሕዳት እብ ጀህት ድማን ለኣቱት ክፈል ዴሽ 61 ተ። እተ ሰልፍ ክልኤ ብርጊድ ዐለ እለ። ወክልኤ ኢጋር ክቡድ ኣሰለሓት ዐለ እለ። ሀደፈ ላኪን ምን ማይ ውዑይ ጀህት ድማን ኣሰክ ግንራራብ ፍሽይ ምራራቱ። እለ ምን ሸበሕ ጀህት ድማን ኣሰክ ከንቲባይ ለሀለ ኣማክን ሆይ ናይ ክፈል ዴሽ 85 ምስል ሐቱ በጠሎኒ ናይ ኢጋር ክቡድ ኣሰለሓት ቱ። ምን ምፍጋር ጸሓይ ከንቲባይ ኣሰክ እምቤረሚ ለሀለ ኣካናት ሆይ ናይ ክ/ዴሽ 70 ቱ።

ለናይ መካናይዝድ ቅዋትነ ሆይ 34፡23፡ እት ደንበር ድገለብ ሆይ ምስል ክ/ዴሽ 70 ሸ’ፈ። ለ63 ሆይ ምስል ክ/ዴሽ 85 ክምስልሁመ ምስል ክ/ዴሽ 61፡ ክእነ መስል ዐለ ዓም ተርቲብ ሽጥ ሸፍነ። ዲብ እለ ኣጋር ክቡድ ኣሰለሓት ምስል ክል ምነን ሀለ። ሆንደሰት ሀሌት ወለቀደም ኣዜ ሀደግናሁ ናይ ዐይን ወሰለለ ሀለ።

ዲብ ተብጊሰት ናይለ ዐመልየት ዲብ እለመ ድራሰት ሳፍየት ጉብኣት። ክምለ እለ ረኡነ ለኦሮ ክፋል ናይ ክ/ዴሽ 61 ምን ዓሉዕሮ እንዴ ትበገሰ እብ መንተብሌ እንዴ ኣበለ፡ ፍልፍል እንዴ ጌሰ ግንራራብ ፍሽይ ምራረ እግል ልራቅብቱ። ለክፋል ኦሮ ሆይ ምን ቀር-ወሬሕ እንዴ ትበገሰ ጽርግዩ ለበትክ ወሰረዕ ለትበሀል እት 554 ንቅጠት መወቀል ጽንዕት እሾክ ወኣልቃም ላበ ኣካን እንዴ ገልዑ ምነ፡ ረኣሱ ቀደም ጀህት ምውዳቅ ናይ ማይውዑይ እንዴ ኣበለ መርበዩ ኣሰክ ሐመላማል እንዴ ወዴ ለልትቀደምቱ።

ለናይ ምግብ ሆይኒ ኦሮ ኣሰክ ዐድ-ዕሌ ለገይሰ ክልኣት ብርጊድ፡ ለኦሮ ብርጊድ ክም ትደልሐሽ ሆይ እግል ኣባይ እት ኣወላይ ድፈዕ ምንሐር እንዴ ትለውለ እግል ልህጀም በሀለት። ለናይ ድገለብ ምን ከንቲባይ ጀህት ምፍጋር ብህላሙ ለሀሌነ፡ ህቱመ እግል ናይ ምግብ መትቀዳም እት ታቤዕ እት ገዱ እግል ደንበር ድማን ኣሰክ ግርግራም እግል ለኣተጃህ ለምግብ ሆይ ደሴት እበ ትበሀል ኣካን እንዴ ኣበለ ሐቀህ እት ጽርግዩ እግል ልትሓበርቱ ለሀደፍ።

ዲብ ገጽ 5 ልተላሌ.....





ለተርቲብ አር ብርጌድ ናይ ክ/ ዲሽ 70 ሆይ ከንቴባይ ንኡሽ ወከንቴባይ ዐቢ ለልትቦህል ኡማክን ለሐቲ በጠሎኒ ገጽ እት ገጽ ወለካልኣይቲ ምን ሐር እንዲ ትለውሴት እግል ልህጅመ ትረተበዩ። ሐቲ በጠሎኒ ብርጌድ 20 ናይ ክ/ዲሽ 70 ሆይ ዲብ ሰኸር ለትወቀለት ኣካን እት ጅወ ኸዋ ኣባይ እንዲ ኣቲት እግል ኣካን ለትጽብዋተ። እሊ ለተርቲብ እግል ልግበእ ትቀረረ። ከዲብ እሊ ምን ኣዩ መበገሊት እንዲ ቀንጺዮቲ ለበጸሐ? ለእብ ድማን ለሀለዩ ሐቲ ዔለዕሮተ ወለካልእ ቀር-ወራሕ። ልእብ ምዃብ ለሀለ ሆይ ቅንጻል ቱ።ምን ከረ ላብ ውብሴሰ እንዲ ትበገስከ ለትትራኩብ ዲብ ኣካን። ቅንጻል ክም ኣቲክ ዲቡ ውዕለት ወምያየት ቱ። ዕለት ሰማን ፈብራይር ሆይ ኣስክለ ሀደፍክ መረሾት ቱ።

እሊ ድግለብ ለሀሊ ሀዬ ‘ጄክ-ጥለቅ’ ለልትበህል ባካት ማይ አዋልድ ለሀሊት አካንተ ለመበገሊቱ። ለተብጊሰት እምርተ ለዐለት።እለን ዋሐዳት እለን ለመራሕ ሀዬ አንፋር ስለላቶም፡ እብ አሳሰለ እለ ወደው ድራሰት።

ለህጁም እት 08/02/90 እግል
ልግበእ እት ለዓልያም መስኩሊን ዲብ
ሐልሐል ለወደዎ እጅትማዕ ትቀረረ።
አሚን ዓም ኢሲያስ ምስልነ ለሻረከ እቱ

በህላትቱ። እሊ ባጼ እግል ትህጀም
እት ሐልሐል አጅተምዎት ልብ አባይ

አስከ ሐልሐል ክም ልትደለል እግል
ልግበእ እንዴ ትበህላቱ። ሰበት እሊ
ህጁም ዐመልየት ፈንቅል እብሊ ተሀደገ
ቴለል ዮም 8/2/90 ተአንበተት።

ለእት ምግብ ለዐለ ተርቴብ ለሐርብ ሰዐት ሐቴ ናይ ላለ እብላ እብ ዐድ ዕለ ለአተየ ዋሕዳት እግል ልትአንበት ተሐደደ። ለእብ ዐድ ዕለ እግል ልእተየ ለተሐሰበየ ዋሕዳት እተ እግል ህጁም ለተሐሰበት ሰዐት ሐቴ አው ቀደሙ በደል ለአተየ ሰዐት ክልኤ ወሰር አተየ። ለዋሕዳት እብ አብሓን ለልትበህል መሓዝ እግል ልእተየ። ብርጌድ 83 ወ113 እት ሕዱድ ለልትራከበ እት ሐቴ ህታተ ወመትዐደዩት ተ። እለ አካን እለ 50% ናይ ሓለፎት በክትብ ትበህል ለዐለት አካንተ። ሰበት እለ ለዋሕዳት እለ አካን እለ ክም ሐልፈየ ለእት ምግባይ ደንበር ለትየመመየ ዋሕዳት ለመሸክለት እብ ቀላል ሐል እግል ትርኩቡቴ ለትብል እምነት ዐለት እነ። ህተ ኢገአት ምንገቢእ ሆዬ? ወለ እንዬ ፈንጠሽከ ወጋለህከ እግል ዐድ ዕለ እት ሐን መራቀበት አተዮትተ። እለ ለካልኣይ ሕርዮንቴ። ለአወላይ ሕርዮን ላኪን ናይ መሊጭ ፍርሰት ትራከበት ምንገቢእ ለዘብዋ እት ዐድ ዕለ እግል ለአንብት ህለ እሉ ቱ ለልብል።እብላ እለ እብል ህሌት ሆዬ ለሸቅል ተአንበተ። አባይ ሰምዓነ።

እሊ ኩሉ ዲሽ ሐቲ ብርጌድ ናይ ክ/ዲሽ 70፡ ክፈል ዲሽ 85 እብ ተማመኑ፡ ሐቲ እግል ሪዘርቨ(ክፈሪ) ለትዮመመት ብርጌድ 49 ናይ ክ/ዲሽ 96፡ እሊ ኩሉ ዲሽ እት ቅንጻል ግሉይ ሀለ። ዮም ሰስ ፈብራይር እንዲ ትገባሉ ዮም ሰብዕ ዲቡ ወወለ እት ዮም ሰማን ጸቤሕ ሆይ እተ ዐመልየት ትገባሉ። ለምድር ጋድጥታት ወድብዑ። ቅባል ከንቲባይ እት መወቀል 45 ቱ ለሀለ። ለመሽክለት ናይ ዲሽ ለዐለት አሰክ ልትገባሉ እት ቅንጻል ለትመየየ ወወዐለየ ዐለት። ምስጢር ጀላብ እግል ትዕቀብ ወንክሰ እግል ቲበል አለብከ። ኩለ ሐረከት መሕዱደት ዐለት። ለመትቀዳም እንብሎ ሆይ ለክልኤ ብርጌድ ቀደም እንዲ ሐልፈየ ለሐቲ ብርጌድ እግል አባይ ምንግረ እብ ጀሆት ግብለት እንዲ አተጀሆት ትለውሉት። ለእብ ድማን ሀለየ ዋሕዳት ሆይ ክምለ እለ እቤ እግለ ተሆየበየን አካናት እንዲ ቃለዐየ እግል ድዋራት ማይ ውዑይ ክም ሀደፍ እንዲ ነስአየ እት ለአለምብየ ባካት ሰር ላሊ እት እንቀቀሳ ለትበሀል አካን ሐቲ ፈሲለት አባይ እት ቅዋትነ ዘብጥ ፈትሐት። ዘብጥ ክም ተአንበተ ለዲብለ ጀብሀት ለዐለ አፈውርቂ ተክሌ ለልትበሀል ናይብ ቃይድ ነበልባል ክፍሌጦር፡ እግለ እት ደዋሒ ዐድ ዕሌ ዴደባን ለዐለ ብርጌድ 21 እባሁ እተ ሐርብ ለአንበተ እተ አካን ነደሐ። እለን ክልኤ ብርጌድ ክ/ዲሽ 85 ሆይኒ ዐድ ዕሌ እምበል አዳም ጸነሐን። ቀደሚሁመ ሐቲ በጠሎኒ እግል ደብር መዐር እግል ትጽብጥ እንዲ ትበሀለ እብ መንተብሌ ሓልፈት ዐለት ላኪን ለሐርብ ክም አንበተ እት ገበየ ምስል ሐቲ በጠሎኒ ናይ 113 ክም ትራክቡት፡ እግለ እ'መቲ ለዐለት ደብር መዐር እንዲ ሐድገት እት ሐርብ ተሓበረት። ለክልኤ ብርጌድ ክ/ዲሽ 85 ሆይ ሰዐት ክልኤ ወሰር ዐድ ዕሌ ክም በጽሐየ ሐርብ አንብተ። ምናተ ለትትቃወመን ሒለት አረክበየ። ለናኢብ ቃይድ ክ/ዲሽ አፈወርቂ ተክሌ ሆይ ስታፋ ወናሱ ትማረከ(ትጸበጠ)። ለዲብ ዐድ ዕሌ ለዐለ ደባባት ወአሰለሓት ብዕድ ሆይ እት ሐንቴ መራቀቡት ዲሽ ሻዕቢ አተ።

እሊ እግለ እብ ጀሀት ድገለብ ለሄርር ለዐለ ውሕዳት ደማነት ለሀይሮ። ኸዋ ጋሕቲላይ ሆይ ምንመ ይእንበጽሐ እት ሐንቲ መራቀበት አስለሓት ክበድ እንዴ አተ ባካት ሰዐት ሴፅ፡ ሴፅ ወሰር ጸበዋናሁ። አዘኢ አባይ እለ ሐለት እለ ክም ትክለቀት እግል 303 ሞቶራይዝድ ብርጌድ ምን ካርነሽም ወዐድተከሌዛን አጊድ አስክ ድግድግተ አምጸአዩ። እግል 42 ታንክኝ ሻለቀ ናይ ራብዓይ ታንክኝ ብርጌድ ወገሌ ክፋል ናይ 302 ሞቶራይዝድ ብርጌድመ አስክ ድግድግተ እንዴ አምጸአዩ እግል ድግድግተ ሰኒ ወአማን አተረደዩ። ለናይ ምግብ ወድማን ሆይ ክምለ እምብለ ለሀሌን ሰኒ ጌሴ። ሐቀሁ አስቡሕ ለናይ ድገለብ ዋሕዳትን ዘብዋ እንዴ ፈትሐዩ አስክ ባካት ደሴት እንዴ ልትሓረበ ገጽ ቀደም መረሸዩ። ለእብ ምግብ ምሰል ገሌ ውሕዳት ገጸ አስክ ከንቲባይ ለኣቲት ብርጌድ 10 ናይ ክ/ዴሽ 70 ሆይ ደብር ከንቲባይ እንዴ ጸብጠት ዲብለ ብፅዳት ውሕዳት ክም ትትሓበር ገብእ። ሐቆ እሊ ለእሕትያዋ እንዴ ትበህለት ምን ክ/ዴሽ 96 ለመጽአት

ብርሃኑ 49 ምስል 20 ውበዕዓት
ውሕዓት ገብኢያክ ዲብ ድግድግተ
ሐርብ ድቁብ ምን ከፍተየ አባይ እግል
ልክህሉ ሰበት ኢቀድረ አሰለሓቲ እግል
ለአንድድ አንበተ። ኢደንገረ ሀዬ ገጹ
አሰክ ደንጎሉ ሀርቡ።

ለናይ ድግለብ ባኪን እት ባካት ደሴት እት ልትሓረብ ትመዋ ወአጽበሐ ወእት ደምግበ ዕለት ሴዕ ራብራይሮ ለህጁም ናይ ድግለብ ገብአ። እሊ ህጁም ሰኒ ድቁብ ዐለ። ለበዝሐ ዲሽ አባይ ትዕብ ምንመ ዐለ ለበዝሐት መቅደረት ናይ ክቡድ አሰለሓት ወደባባት ናይ አባይ እት ደንበር ግለብ ሰበት ዐለ ሐርብ ድቁብ ገብአ። እብ ክምእነ ሀይ ለቅዋትነ ቀደም እት ለአሳድረ እትሊ አዜ መከረይ ዋዮራት ለህለ ዲቡ ባካት እምቤረሚ በጽሐዮ።

ዕለት 10 ፈብራይሪ ውሕዳት ክ/ ዲሸ 70 እብ ፍንቲይ ብርጌድ 10 እብ ጀህት ግብለት እንዴ አቲት እግል ፎርቶ እት ሐን መራቀብት ክም አቲቲ፡ ለእብ ጽርግዩ ገሰግሰ ለዐለዩ ቅዋት፡ ሀዩ እግል እት ዮም 10 ለትጸቤሕ ላሊ አባይ እት ጽርግዩ ዘረኦ ለትመዩ አልቃም እንዴ ኢተክለን እግል ኩሉ እንዴ ደዐለዩ ዕለት 10 ፈብራይሪ እት ዕግገ ባጸዕ አተዩ። ምን ዕግገ ሀዩ እብ ሰጻጻት መካናይዘኻ ገራርመ እት ሐንቲ መራቀብትን አቲቲ። እትሊ ሐርብ እሊ ሀዩ ለበዝሐዩ ደባባት ወለበዝሐው ዐሳክር ትጸበመው።

ዕለት 11 ፌብሩዌሪ ሆኖ አሰኘ

ላኪን ኢተወወተ። ለይወወተዋ ሀይ
እሙርተ። መካራትለ ምድርተ። ዴሸን
ሀይ ምኑ ወኪን እግል ሊዴ ኢቀድር።
ሰብ ደባባትን እብ ደባባቶም አተው።
ላኪን በክት ኢተት ኢረከበው። ዴሸ
ኢጋርመ ደባባት እንዴ ተለ እግል
ልእቱ ጀረበ። እት ምግብ በሐር እት
ሐቲ ባካት 1000 መትር ለትገቢእ።
ማነ ወገለበ በሐር ወምን ቀደም
እሳት! እሊ እንዴ ተዐዴክ ልእክትክ
እግል ተአትምም ሰኒ ክቡድ ሰበት
ገብእ እት ሰልፍ ኢተወወትን እቱ።
ዴብ እሊ አዳምነ ወአሰለሓትን ደፍዐነ
ወተወወትን።

እቤ፡ ሲጋለት ቀጣን ሆይ ምን ጠቢቦተ ለኢሙጢት ማነ ወገለበ ማይ ወሪመ ባት ኦሮ ኪሎ ሜትር ለትገቢእ ሰበትተ፡ ፍንጌ ማይ ወእሳት እንዴ ተዐጨርከ ወምን ቀደምክ እሳት እንዴ ኪድክ ጥዋሎት እግል ትብጸኡ እብ አማን ክቡድቱ። ሙናድል ኦርድ እት ነድድ አለክ ጥዋሎት እንዴ ሐ'ነ ዕለት 15 ፈብራይር ሰነት 1990 ባጸዕ እብ አክመለ ሐቱ ዶል ወእግል ዲመ ምን መግዘም እስትዕማር ተሐልሐለት። ቃይድለ ጀብህት ለዐለ ሚጀር ጀነራል ሃይሌ ሳሙኤል (ቻይነ)፡ ዲብ ዐመልየት ፈንቅል ለአብጸሐ፡ ወሐቀ ዐመልየት ፈንቅል ለዐለ ቴለል እንዴ አፍባሐ ሻርሐ ምንመ ሀላ፡ አባይ ዲብ እለ ጀብህት እለ ሐለት አዳሙ 16 አልፍ፡ ዕልብ ደባባቱ 110፡ ቢኢማቱ





ናገላ ሴይዝ ወአሰክ ስጋለት ቀጣን ጅወት ባዴሶ እግል ልትኣቲ ጀርቤታት ድቁብ ገብአ። እብ ፍንቲይ ዲብለ አሰክ ናገላሴይዝ ለአተጀህ ሐርብ ድቁብ ለትወቀለት ፈራሰት ሐጢር ወከህላት ሙናድሊን ለትረአ እቲ ሐርብ ዐለ። ባካት ሰዐት ሐምሰ ሀይ ናገላሴይዝመ እት ሐንቲ መራቀብት ዲሽ ሸዕቢ ኣቲት። ለበን ሐንቲ መራቀብት ኣባይ ታርፋት ለዐለየ ሀይ ረአሰ-ምድር ወጥዋሎት ተን። ምን ናገላሴይዝ አሰክ ረአሰምድር ሀይ ሐድ ሰለሰ ዶል ጀርቤ ገብአ። ለኣካን እብ በሐር፡ ጸቢብ ወኢውጡይ ሰበት ዐለ ላኪን እግል ዶሎ እግል ልትሰርገል ኢቀድረ። ሐር ላኪን ምሰል ቅወት በሐር እንዴ ትመቅረሐ የም 15 ፈብራይር፡ ዴሽን ላቢ እብ ሪመ እብ ገዖድዖት ጅላብ እት ረአሰ ምድር እት ልትዐዴ ዲብለ እት ፍንጌ ኣባይ ወዴሽ ሸዕቢ ገቢእ ለዐለ ለብተ እንዴ ኣተ፡ እብ ፈራሰት እት ልትኣረቦ እግል መሸንቁቀት እት ለኣጸቡብ መጽአው። እትላ ሰለሰ ጀርቤ እብ ስጋለት ቀጣን እንዴ ኣቲክ ለገብኣ ጀርቤ

10: ናይ 122 ሚሊሜተር መዳፍዑ
23: ናይ 85 ሚሊሜተር ሞርታራት
15: 25 ዙ 23: 12 መዳፍ ደባባት
ሚሳይል: ዐለ እሉ። እሊ አሰለሓት
እሊ ገሌ ጎደ ወለበዚኡ እት እዲ
ዲሽ ሸሸባ በርድ። ዐመልየት ፈንቅል
ለኸልቀተ ንቅጠት ተቅደር ሀዩ እግል
ሕርየት ባብ ርሒብ ከፍተት።

ሐቆ ዐመልየት ፈንቅል ወተሕረር
 ባጼዕ ፋርስ ሙናድል ለበዝሐ ክፈሉ
 እት ታመት ሕርየት ለአመመ
 ዕልገ እግሉ ትዳለ። ጀብህት ግንደዕ
 ወብዕድ ጀብሃት ዲቡ እንዴ ሸፈ
 አስክ ምዕል ተሕሪር ድፈዓት ሐዲስ
 እንዴ በኔ ወትሉሉይ ህጁማት
 እት ወዴ፡ ዐውል ቃሊ ለትደፈዐ
 እቱ ሰዳድ ወመሪር ሕሩባት ዲብ
 ለአተላላ፡ ሐድ ሰነት ወሰለስ ወሬሕ
 እት ጀብሃት ግንደዕ ወግብለት እንዴ
 ሸፈ እግሉ ዲብ ባጼዕ ለጸብጠ በሪህ
 ሕርየት እት ኩለ ኤረትርየ ክም
 ለሐቆ ወደዩ፡ ዐመልየት ፈንቅል
 እበ ከስተቶ ባብ ሕርየት፡ ኤረትርየ
 እስትቅላለ ረክበት ወምን እስትዕማር
 እግል ዲመ አባፊት።



ፈንቅክ፡ መንገድት ሕርየት





ሰወር፡ እብ ፈረስ ሰወር





ረመዳን ታዲብ



11ፌብራይር ሰነት 1990 ዕልትት ዕልት!



ሳዐት 4.30 አልዐስር አማውር ሐዲስ መጽሐፍ ደባበት ዕልብ 930 ስጋለት እብ ሸፋግ እንዴ ተዐዲተ ክሉ ዘልም እተ ለዐለ ጅንሰ ሰላሕ እንዴ ከሀለት፡ እብ ድድ ደባብ ላቱ ሚሳይል እንዴ ትዘበጠት ነደት፤

ፍራስ አንፋር እለ ደባበት እለ ህዬ፡ ምነ ትነድድ ለዐለት ደባበቶም እንዴ ልትሳረሮ እት በሐር ቶቀው፡ እተ ማይለ በሐር አስክ ወሪደም ሸሙማም እት እንቶም ወህቶም እግል ልፍገሮ እት ልትጋደሎ መሓሪ ገብሬሰላሴ ሴድያይ ሚርሓይ ደባበት ወእስያስ መኮነን እብ ጠልገት አባይ ሰበት ደምዐው እተ በሐር ወድቀው፤

ምናተ እብ ሰዳይት መልህያሞም ምን እስትሸሃድ ደሐነው፤ ወምስለ ራፍዳሞም ለዐለው ገብሬክርስቶስ ሞሳዝጊ (አባ-ዋረግ) ሚርሓይ ሰርየት፡ ሰምኦን ክፍሌ (ሕቃቅ) ሚርሓይ መጅሙዐት ወሰዋግ ደባበት፤

ተወልዴ ቦኽሬ ሐኪም ቦሞሎኒ፡ ሰለሙን ተወልዴ ሌክፋይ መድፍዕ ሐቆ ከም ሓይል-ማይል እት ጀማዐቶም ተሓበረው፤

ግረ እሊ ለኣቱት ደባበት T-55 ለጅንሰ ዕልብ 1005 ደባበት ዐለት፡ታይገር እግለ አባይ እብ እክል ሰርፍ ባኒሁ ለዐለ ድፈዕ እንዴ ካደደት፡ እብ ለክፍ ምድር አጽበበት እቶም፤ ለክፍ እለ ደባበት እለ ህዬ፡ እግል እት በሐር እንዴ ትቀርፈጨው አርወሐቶም እግል ለአድሕኖ ባስሮ ለዐለው መናድሊን ሕጌ ጋብኣት እግሎም ዐለት፡ ምናተ ህታመ ብዙሕ እንዴ ኢትከልእ እብ ሚሳል እንዴ ትዘበጠት በለም! ትቤ፤

አንፋረ ህዬ ምነ እንዴ ፈግረው እበ እት እዴሆም ለዐለ ሰለሕ በሀለት ሐቱ ከላሽነት ወምሮት ፈርድ እግል ልትሓረቦ አንበተው፤ እብለ ህዬ ምነ እቱ ለዐለው ድፈዕ አባይ እንዴ ፈግረው እግል ልድሐኖ

አስክለ ሰምጦም ለዐለት በሐር እት ልሰዑ፡ ጀማል ሰሌማን ኮሚሳር ሐይሊ፡ አፈወርቂ ተሰፋይ መውሕጣይ ቀናብል እት ሰምጦላ በሓርም ደሞም እት ልትክዲት ጀላብ እለ ወጠን ሐልፈው፤

ተሰፋይ ገብሬሂውት ሰዋግለ ደባበት፡(ሃርበሌ) የማኔ ደብደባ (ወዲ ህዝቂኢለ)ሌክፋይ መድፍዕ ላኪን እብ ሰምጦለ በሐር እንዴ ወደው ምስል ሐለት ጠበቦትለ በሐር እት ልትሓረቦ ምሴ እት ጀማዐቶም ተሓበረው፤

እተ አምዕል ለህ እት ደንገበ ለኣቱት ደባበት T-55 ለጅንሰ እብ ፋርስ ለትትአመር ደባበት ዕልብ 990 ዐለት፤

ፋርስ እግለ ቀደሚህ ነደየ ደባበት እንዴ ሐልፈት ስጋለት እንዴ በትከት እግል አባይ እለ ለይልትበህል ከሳራት እንዴ አርፈዐት ዋውሎት ኣቱት ወእት ጥዋሎት ለጸንሐት እቱ ወክድ ህዬ ብዙሕ ወቀይ አውቄት፤

ዴሽ አባይ ዴሽ ጀብህት ሽዑብየት ተሐሪር ኤረትርየ ባጽዕ እብ ተማመ እግል ለሐርር ክም ቀድር ወኬርዓይ ክም አለቡ ኣትአመረቱ ወእት ልቡ አውዴቱ፤ እብ አሳስ እለ ህዬ፡ ፋርስ እት ምግብለ ሐርብ ስልሰለት እገረ እንዴ ትዘበጠ ምነ እግል ትትብተክ ቅሩብ ታርፍ ምነ እት እንቱ፡ ለትቀድሩ እት ትጸገም እግል ተዐቅብል አማውር ሰበት ተህየቦየ እሉ እንዴ ሰምዐት ግረ እት ተዐቅብል ምስል ክሎም አንፋረ እንተሐንክ እብ ሰላመ ኣቱት፤

አንፋረ ህዬ በርሄ ምሕረትኣብ (ኣሸሽ) ሚርሓይ ሐይሊ፡ መሓሪ ገሬ- የሱስ (ግርሴ) ሚርሓይ መስፈዕ፡ ዐንዴ-በርሃን ገብሬሂውት ሌክፋይ መድፍዕ፡ አሕመድ ሸፈ መውሕጣይ ቀናብል፡ የማኔ ጎይትአም ሚርሓይ ደባበት ቶም፤

11 ፌብራይር ምን ጽብሐተ እት ሚሰተ እት ስጋድ ደርጊ ኣቱ ለዐለ ሐብል ወሪድ እት ነትል ለወዐለት ታሪካይት አምዕልተ፤

እብ አሳሰለ እትለ አምዕል እለ፡ ለትደፍዐ እስትሸሃድ ህዬ እት አባይ ለገብኦ ሸቃል መዐነውየት ፡ዐመልየት ፈንቅል ጮርሕ በርህት እት በርህት ታመት ለትዋሌ ገብኣት፤

ኣቤ ስጋለት ሐብል ወሪድ እንዴ ገብኣት እግል አባይ እብ ግርግመቱ ለሐንቀቱ ወክም መይት ለወዴት፡ ስጋለት ቀጣን ምን ሸዐበ ሐብል ኣርሄት ወሐብል ወሪድ እት ደርጊ ለውሌት፤

እለን ጀላብ ታመት ሕርየት

ሽዑብን ምስል ሚርሐተን እት 25 ሰነትን ፍንቱይ ዕፌ ዱሉ እግለን ዐለ፤ ለዕፌ ነፍሰ እተ አምዕል ለሃ ቀደም 25 ሰነት እግል መትዐዳይ ስጋለት ወሐኒቅ አባይ እተ ገብእ ለዐለ ሕሩባት ለኣስተሸህደው ፍራስ ምሕርበት እብ ገበይ ካርተት ዱሉይ ዐለ፤

እለ ስጋለት ትትዐዴ እት ህሌክ ሳልፋይት ቱንደት ዕፌ ካርተት ላተ ፡ እት ከብ'ደ ሹህዳለ ደባበት እበየ ትደምዐው ወድቀው፡ ተሐብዐው ህጅመው ክምስልሁመ ለነደየ ደባበት ቃርባት ሰበት ዐለየ፤ ክል መዋዋን እት ዝክርያት ሻማት አስመነየ፤ እግልሚ በደል እብ ድግም እብ ዕን ለትረኦ ዝያድ ሰበት ልትአመን ወልትደመን፤

ደሞም ረህየት ክም ዘረ ለልሐብር ማይ ረህየት እት ሰልፍለ ርስምት ለዐለት ክሪጠት ስጋለት ልትርኡ ዐለ፤ እለ ህዬ ኤረትርየ ማሌ ዐውለ ቃሊ ወእማናተ ትርድት ክምተ ሐበረ፤

ማሌ እትሊ ድዋር እለ ለትሓረበው፡ ለዐመልየት ለረኣው ወየም እት ሕርርት ኤረትርየ ለሐወጸው ሸባን ክሎም ምስል እት ሐቱ ዐግሎ ለጀምዐ ዕፌ ዐሌሌሆም ናይ ማሌ ታሪክ እብ ሕያየ እግል ለሓልፎ ወእሎም ናይ የም ለራትዕ ታሪክ እግል ልትሸየ ወእቡ እግል ልዕከቱ! ገለድ ሕበር ክልቀት፤

እለን የም እትሊ ድዋ ክም ኔብራይ ኣሳር ፍርሰነት እንዴ ተሐሰበየ እብ ዐነድረን ማይ ረህየት ፌርቀ ለህለየ ደባበት፡ተአምርታለ ማሌእብ ፈራሰትእሳት ለከዐያተን፤

ምን ገጽ 3 ልተላሌ

ቀጣን ገበይ ስጋለት ለበዲር እግል ፍርሰነት ወኤማን፡ ስሙድ ወመትሰባል ሙናድሊን ለትሐሌት እግል ዲብ ሰነት 1977 ወ78 ወሐቀሁ ዲብ ሰነት 1990 ለዐለ ቴለል ለትሸፊሕ እብ አሕመድ ወድ ሼክ ለትትሐሌ ሕላየት ክምስል ደገመት ክሉ እተ መናሰበት ለዐለ አዳም ፍንጌ እስትንተን ወለውቀት እንዴ ሐሸረቱ ረኣሱ ዲብ ነዋኔ ወሰርመ ምስል ወድ ሼክ እግል ሕላየት ዲብ ደግሞ ትረኣ።

ሐቆ እለ ሕላየት ትግርኛ ወሳሆ ደርብ ሕድ ክምስል ትቀደመየ፡ ለእብ መሐመድ ሰዲድ ዑስማን ለዳሌት ወእብ ሻበት እሙነ ሙሰ

መንደር ለተሐሌት ወእብ ሰሰዲት ለተሌት መቅጠን ኤማን ለትብል ሕላየት እግል መናሰበት ዝያደት ነወረተ።

ወቅት ተሚም ዲብ ቀርብ ክምስል ጌሰ ላተ አንፋር ቅዋት በሐር ምስል ዕውድዋደ ምድር ዝያደት ድማን ወድገለብ እግል ልትገናበው አምበተው። ሬድዮ እትሳል ዲብ እዘኖም እንዴ አልጠአው፡ ምስል ልትረገሱ ለዐለው፡ ቴለል ኣክል ሕድ ለቀደም 25 ሰነት እግል ተሕሪር መዲነት ባጽዕ ለገብኦ ህጅም ለለትፋቅድ ሞዳይ ልትካየል እግልከ። ላኪን እለ መትረጋስ እለ ሐርብ መኣከይ ወሞት ለወልድ እንዴ ኢገብኦ፡ ፈርሐት፡ ለውቀት፡ ሰሓቅ በርጅ

ወመትሳራር ለወልድቱ ለዐለ።

ለዲብ ቀበት በሐር ብርሲሁ እንዴ ላኪፈ እብ አምዋጅ በሐር ዲብ ኣካናቱ እንዴ ገብኦ ዲብ ልትነዋኔ ለሰርጉዩ ዐለ አንዋር እንዴ ዋለዐ ሉል በሐር መስል ለዐለ ዐባዩ ወነኣይሽ ጅላብ ላተ ልሰዕ ታርፍ ምነ ለዐለ መዕረድ ዐለ። ለቀደም 25 ሰነት ዐለ ሞዳይ ሐርብ እዘን ለለጸምም ዘብዋ ወህማማቱ ምን ምድር ወበሐር ኣስክ ሕድ ለልትወርወር አይደት እንዴ ኢገብኦ፡ እግል እሻረት ፈረሕ ላቱ ሪሺታት ምን ምድር ኣስክ ዐስተር ባጽዕ ነሽሐ። ለጅንሰጅንሱ አንዋር ሰርጉይ ለዐለ ናይ ማሌ ጅላብ ሐርብ ወናይ የም መትፋግዒ ቤጽሐት ወዴፍየት

በዋቢር ወደወንክ ዲብ ለህለባልብ ወለዐልል አምሴ። ለናይ ደንገበ ሕላየት “ፈንቅል ኣባ ደህሪ” እብ ፈናን አልኣዛር ምስግነ (ጄሪ) ዲብ ትትሐሌ ህዬ ዐስተር ሚነት ባጽዕ እብ ናይ ፈረሕ ሪሺታት ትነወረት። ምን በሐር ወአዋራፈ ክምስልሁመ ምነ ዲቡ ሰለል ልብል ለዐለ ጅላብ ለልትሞጠዕ ሸክል ሸክሉ ሕብር እንዴ ትሰርገ ዲብ ዐስተር ልትነሸሕ ለዐለ ሪሺታት ፈርሐት ህዬ፡ ምስል ቀደም 25 ሰነት ለዐለ ቴለል ክልኣት ዲብ ሕድ ለይበይእ አዋይን ሉኣኬ ዐለ።

አዳም ክሉ እግል ሕላየት ዲብ ለኣተንሴ ወእብ ዕንታቱ ኣስክለ እብ ክል እንክር ኣስክ

ዐስተር ልትነሸሕ ለዐለ ሪሺታት ዲብ ለዐፌ ህዬ፡ ክሉ እብ ናይ ፈርሐት ወለውቀት ሸዑር እንዴ ትገልበቤ፡ ሕድ ዲብ ልስዕም ወዓሽ ዲብ ልብል ክምስል ረኤካሁ ረኣሰ ፈርሐትክ ረርሐት ትወስክ። ንሐሰ እቡ ወኒዚድ ዲብ ትብል ህዬ ኖስኖስክ ትደሐር። እብሊ እግል መደት ደቃይቅ ለኣተላላ ዕፌ ኣክል ሕድ ሳዐት 6:45 ደቂቀት ለእብ ዝክረት ሹደህ ሳዐት 4:00 ለአምበተት መናሰበት ሐቆ 2 ሳዐት ወ45 ደቂቀት፡ እብ ነሺድ ወጠኒ ተመት። ባጽዕ ህዬ ሉለት ፋግረት ምን በሕረ እት መስል ወዐለት አምሴት ወኣስመነት። ወእብሊ ለእሕትፋል ለረሰሚ እብ ፈርሐት ወለውቀት ክል ሙዋዋን ተ'መ።

ክብርነህ

ለባበት

ዎሮት እናስ ድግለል ዐለ፡ ለእናስ ምስል ወልዱ ወእሲት ወልዱ ወወድ ወልዱ ነብር ዐለ። ለእናስ ምን ቅያስ ወለዐል ክም ገንደቢ..ሐለት ነበረ ለመጭር እበ ሰአነ። ለእደዩ እት ረጅፍ ወላመ ነዘሩ ሰበት ሐወነ ለነብረ ዶል - ዶል ምንለ እዴሁ ትወድቅ ገበአት፡ ከሐቱ ምዕል ሰሓንለ ነብረ ምን እዴሁ እንዴ ወድቀ ትሰበረ፡ እተ ዶል ለሀይ እሲትለ ወልዱ ለጋር ሰኒ ሓረቀዩ፡ ወምንለ ብእስ ለመስአለት ላዝም ሐል እግል ልርከብ እለ ክም ብእቱ ጠልበት ምኑ። ለእናስ እግል መደት ለሐሰብ እንዴ ጸንሐ እት ደንገበ እግለ አቡሁ ምን ዕጫይ ለትሸቀ ግራብ ምን ሸቄ እሉ ለትብል ፍክረት መጽቱ፡ ወለነብረ እትለ ጣውለት እግል ኢትትከዔ ለድግለል እብ በይኑ ወምንለ ዓይለት እንዴ አፊመ እግል ልብለዐ ትቀሰቡ፡ ለድግለል ክለ እብ በይኑ ነበረ ሀበወታ አናብዑ ትትቃጠር ወዕንታቱ ጀለም ወዴ ዐለ። እሊ ህዩ ህቱ እት ደንገበ ሐያቱ መአበይ ክም ገበአ ልትሰሙዑ ሰበት ዐላቱ። አንፋርለ ዓይለት ክሎም እብ ሕበር ምስል እንዴ ተዐገለው በለዎ እት ህለው ህቱ ክም ከልብ እብ በይኑ እት ካንኮ እግል ልብለዕ ተሐከመት ዲቡ። ለወድለ ወልዱ ሰኒ ፍክር እት እንቱ ለአትቃምቱ

ዐለ፡ ወ,ስል ዘመን ለድግለል ምን ወልዱ ወኢሲት ወልዱ ፍርድት እቱ ለዐለት በይን እት ትትኬለም ወምን ዘዓቱ እት ልትባልሐ ንሰው...

ዲብ እለ ሓለት እለ ዲብ እንቱ ገሌ አውረሐት ክም ሐልፈዩ፡ ለድግለል ትረሐመ ወዓዳት ቀብር ትጋዩሰ...እለ ዓደትለ ቀብር ክም ትከለስት፡ ለእናስ ወለ እሲቱ ዓፍሸትለ እናስ ለድግለል እግል ልወርክዉ ምኖም ሰበት ሰተተው እግል ሓግላም እግል ለሆቡ አውመ ህዩ እግል ለሳቡሩ ከልልኮፋ ሐሰበው...

ለእናስ ወለእሲት ለዐፍሸትለ እናስ ግንዳብ እት ለሀራርሶ አመተ አለቦም ለወልዶም እት ልሰዔ መጸ ወእግለ ምን ዕጫይ ሹቁይ ለዐለ ግራብ መጠሾ ነሰኡ፡ አቡሁ እለ ክም ረአ ትሰአለዩ “ለግራብ እግልሚ ነሰእካሁ ወሚ እግል ትውዴ እቡ ሓዜከ!!?” ቤለዩ።

እትለ ወቅት ለሀይ ለጅኔታይ ለንኡሽ ክም እለ እትልብል በልሰ ዲቢ “ሐር እንተ ወእምዩ ክም አብዕብዩ ዶል ደግለልኩም እቱ እግል አብለዐኩም ሰኒ እግል አክቡ ሐዜኮ” ቤለዩ።

ምን እሊ ለንትከቡቱ ደርሱ፡ ዎሮትከ ዐመሉ ፈግር እቱ፡ ወናይ ዋልዳይ ህዩ እብ ባናታ....

በሀል እ'መራም

ማጽሐፍ ሰ ን ዐ ት ታፍሀት እግል ልርከብ ቱ፡ እለ ሰንዐት እለ ናዩ ዐለት ምናተ አዜ ምልክ ነፈር ብዕድ እግል ትግበእ ቱ። ሽረፍዩ ለሰልቤኒ ህዩ እግሉ ፋእደት ለአለቡ እተ ሰንዐት ወእግልዩ እት ሕግላን ወሐሳረት ለትከፊኒ ሰንዐት ሰልቤኒ። (ሽክሰቢር” - ሕነ ምንለ ን ተ ም ነ ዩ ን ወንትሐለመን ሰነዕ እት እንፈርህ እነብር “ሳምዌል ቦትለር”

እብ ክሱስ ሰብር ለትበህለ

- እት ወቅት ሙሲበት ለልትረኤ ሰብር ኤማን ልትበህል።
- እት ወቅት ነብረ ለልትረኤ ሰብር..ኤማን መአግነዖት ልትበህል።
- ሰብር እት ዐቂብ ምስጢር..ስ'ትር ልትበህል።
- ሰብር ጀላብ መ ሰ ን ዮ ት . . ወ ፋ እ ልትበህል።

መዕሉመት

- ለገበአ ነፈር ፍንቱይ ናዩ ጼነ ቡ፡ ምናተ ለልትመሳሰሎ መነቲት ንሰብዩን አሕድ ለመስል ጼናቦም።

ዘዘዛ

- ናይ እለ እዳነ ሙሽሰት፡ ግሉላም ወሙተዐሰቢን ላቶም አንፋር ክል ዶል ናይ ረሐም ደማከት ተህሌ እሉም እት ሀሌት፡ ለበላም ህዩ እት ረሐም ብዙሕ ሽክ ሰበት ወዳቱ።
- አክላቅ እምበል ሰብ ሰኔት ዎሮትመ ለኢለአምሩ ምስጢር ቱ።
- እትለ በዜሕ ወቅት፡ እዲናሰ ብዕዳም ምንለ እዲናሰ ለትትፍደል ትመሰል እትቱ ወለብዕዳም ህዩ ናይነ እዳነ ምንለ ናዮም ለትትፈደል ትመሰል እቱም፡ እሊ ህዩ ተርጅመት ዝሕጂት ቀናዐት አክል አሕድ ሰበት አነአምራቱ፡ ወምስጢር ለውቀት ህዩ እብለ ህሌት ጎርነ ዶል ነአቀንዕ ክምቱ ንክገሰዉ።
- እብ ልብከ እንዴ ኢጉብኢ እብ ዐቅልክ እግል ትፍቱ ዋጥጌ ለናይ አማን ፈተ እቱ ዶል ለሀይ እግል ተአምራ ቱ።

ድግም መሰል ነሺድ ማርሰልዩዝ

እግል ክል ደውለት ናያ ናይ ኖሰ ሕ'ዱዳት ዝዖታት ወፍንቲት ሙሲቀት ለብዲቡ ነሺድ ቡ፡ እሊ አክል አሕድ ክምለ እትለ በንዴረት ክም ወጠናይትዕላመት ልትነሰእ። ምናተ እግል ሚቱ ገብእ ለናይ ፈረንሳ ወጠናይ ነሺድ እለ ሰም እለ ለትሰመ? እግል ዝዓታት ወለሐን ወሙሲቀት ናይ ማርሰልዩዝ ነሺድ ለአለፈ ነፈር ሻዕር ይዐለ ወሚሲቃር፡ እትለ ዘመን ለሰውረት ፈረንሳ አንበተት እቱ፡ ህቱ ዛብጥ ዲብ ቅስም ሀንደሰት ናይ ጄሽ ፈረንሳ ዐለ፡ ስሙ ህዩ ሮጂህ ዶሌል ትትበህል፡ እሊ ዛብጥ እሊ እብ ሙዲር መዲነት ሰጅራሰፎርግ ለትዳሌት ዐዙመት ዲብ ማጽእ ዐለ፡ ወእግለ ሙዲርለ መዲነት ክም እለ እት ልብል ሰምዐዩ፡ ለለአትሐዝን ጋር እሎም ናይ ፈረንሳ ጅኑድ

ነሺድ አለቦም። ከእሊ ዛብጥ እሊ፡ ምንለ ዐዙመት ዳሩ እትለ ዐቅበለ እቱ ወቅት፡ እግለ ከማነቱ እንዴ ሀረሰ እግል ዝዖታትለ ነሺድ ወለሙሲቀቱ እት ለአልፍ አንበተ፡ ወእሊ ነሺድ እሊ ቀደም ኩሉ እት ቀበትለ እት ጀሀት ቅብለት ለዐለው ጅኑድ አንተሸረ፡ ወሐር ገሌ ምን ማርሰልዩ ለመጽአው ጅኑድ ፓሪስ ክም አተው፡ እንዴ ኢጸንሕ እት ኩለ ፈረንሳ ትነሸረ፡ ወምንለ ምዕል ለሀ ነሺድ ናይለ ሰውረት እግል ልግበእ ቀድረ፡ እሊ ህዩ ወጠናይ ነሺድ ቀደም ግብአቱ ቱ፡ እትለ ወቅት ለሀይ ዎሮት ምንለ ጀነራላት፡ “ነሺድ ማርሰልዩዝ ወምስሉ አልፍ ጁንዲ ዶል ሀብኩኒ ዓውቱ ዳምን እግልኩም ህሌኮ” ቤለ። ከዲብ እሊ መሰል መዋቅፍ ክም መሰል ትትሀደግ።

ምን ዐግሎ አፍ ትግራይት ጅንሰ ከራይ

ከራይ ጅንሰ ማ ነሰበ ምን ሐቱ አግልምበ ልትትባሃል ገቢለት ቱ ትትባሃል። ወእዝን አግልምበ እት ክል አካን ህሌት፡ ከከራይ ምን እሊ ጅንሰ እሊ ትከለቀት ትትበህል። ከራይ ኣሰማያ ማ ክናያታ ክም እሊ ተሌ መሰል” አግልምባይት፡ ግልት፡ ላበት፡ ሸብልዕ፡ እምሾምዕ፡ ወለት ሙሳ፡ ጀባቢት፡ ጀራራት፡ ወሹልት ትትበህል።

ለንቃሽ እት መክሐደ ክም ተበደለ ለለአርእዩ አሻይር

- መትወቃል አክራናት።
- መትደጋጋም ሀገጊት።
- እግል ትትከበተን ለብእትከ ወኩሉ ለኢቀውየን ዋድሓት ላተን መሳእል እት ተአምር ዶል ተአትዋልጥ ምነን።
- አከይ አደብ።

ተበሰም

ጅ ሐ ሐቱ ምዕል ክራም ናይ በጣት(ደወሪህ ማይ) እትለ ግንራራብ ለመራት ጅሙዕ እት እንቱ ምን ረአ፡ እት ልትጫፈር እንዴ ቀርበዩ ገሌ እግል ልጽበጥ ምኑ ሐዘ፡ ለበጣት ሰበት ረአያሁ ሻፍጋት እት እንተን ትፋረረዩ ምኑ፡ ወእግል ልጽበጥ ምነን ኢቀድረ። ሕበዘት ዐለት ምስሉ እለ እንዴ አፍገረ እትለ ማይ ቀምሽ ወእት በልዕ አንበተ...ከእብላሁ እት እንቱ ዎሮት እት ለሐልፍ ህቱ ረአዩ፡ ከሸፈ ወኖር...ሚ ትበልዕ ህሌከ...ወእሊ ህዩ ሚቱ? እት ልብል ትሰአለዩ። ህቱ ህዩ፡ እሊ መረቅ በጠት ቱ፡ ከእብለ በጠት ኢተዐወትከ ምን ገብእ እብለ መረቀ ትነፈዕ፡ ቤለዩ።



ጊዜዎች ጽሁፍ ? ሰ ጸ ል ?

ሰአል፣ አሰልፍ ሰላም ሰእግል አቀድም እፈቱ፤ ምን እንዴ አትሌኮ እብ ክሱስ ነቅድ ክቱብ (ዐገብ) እግል ተአብርሆ እግልዬ ሐዜ ህሌኮ ሹክረን

ሐሙዲ ምን ኩልየት ዐዲ ቀይሕ

በሊሰ፡ መዓሌሽ ሐሙዲ ሸበክት እኪት ሰበት ዐለት ሰኒ ኢፈሀምኮካ ላኪንሸከረትለ ሰአልከ ጸብጠ ሰበት ህሌኮ እግል ለገብእ በሊሰ ለእንቤሉ እግል ነአቅርብቱ ከእተ አግደ ጸበጡ፤ ንቁድ ክቱብ፡ እት ሸቅል አምር ክቱብ፡ ጽበጥ አው ሸክል ለልትጋየስ ህድግ፡ለልትሆያብ ሸርሕ፡ ተሐሊል ወመዐኒ ከምክም። ንቁድ፡ ኬትባይ ክቱብ እበ ኢከሰስ እግል ብቅዒነ ወሕውነ ናየ ክቱብ እግል ፈረጎት ወፈተሾት ለገብእ እግል ኬትብት ለሳዕድ ቱ። እግል ዝያድ አብርሆት እት ሰነት2001 ክሪስ ሆፕኪንስ ለልትበህል በዐል ቅድረት ነቁድ እብ ክሱስ ዐገብ ወመዐግባይ ምን ክትባይ ገሌ እግል እሰሚ። ነቁድ/ዐገብ፡

- ናይ ክቱብ ጋምጋም ለለሀይብ
 - ለክቱብ ሚ ክምልብል፡ ለለአፍህም ወለልትመራመር
 - ልእከተ ክቱብ ለቀንፍል ወበርዝ
 - ፍጥር ወ እብደዕ ናየ ክቱም ለለሐምድ ወለለሐሚ
- ኦሮት ብዕድ ነፈር ህዩ እብ ክሱስ ነቁድ አው ዐገብ ክእነ ብህል ህለ፡

‘እትሊ ህሌነ ዲቡ ዘመን ነቁድ /ዐገብ አምር ክቱብ (literary criticism)ርሑ ለቀድረ ዕልም እት ገብእ መጽእ እቱ ለህለቱ። አምር ክቱብ እብ ዕን ነቁድ ርእየት አው ዐገቦት፡ እግል ኦሮት ክቱብ ቀበቱ እንዴ እንዴ ሐንፊልከ ሰኒሁ ወእኩዩ እንዴአፍገርከ መትመረመሮት ዲብ ሐቃይቅ እንዴ ረከዝከ፡ ናቅሶት ሐበሮት፡ እክል ወክርድ እንዴ ነፊክ እኩዩ ወሰኒሁ ፈረጎት፡ እግል መዐግባይ ምስል ናይ ምሂዝ ለልሳነን ራሐት ሂበት ወእግል ኬትባይ ዝያድ ክም ልምህዝ ወለአበድዕ ለለአትናይትቱ። ለናይ አክር ሀደፍ ነቁድ ህዩ ቀዝፍ ለኢገብእ ሰዳይት ቱ። አውደቀት ለኢገብእ ህዩ ነዲቅቱ።’ ልብል

ክሉ ነሻጣት ነቁድ/ዐገብ እብ መዐግባይ ልትጋየሰ። ምንቱ መዐግባይ? ቁርኣይቱ? ቁርኣይ ወመዐግባይ ፈርግ ወተምሳል ቦም ገብእ? እተ ለልብለ ሰአላት በሊሰ ዶል ነህይብ፡ ክሉም መዐግብት ቁርኣት ቶም።ክሉም ቁርኣት

ላኪን መዐግብት ኢኮን።ክሉ ክታብ ለቀርእ ቅርኣይ እንብሉ፡ ሰበት እሊ መዐግባይመ ሰበት ቀርእ ቁርኣይ እንብሉ። መዐግባይ ምን ቁርኣይ ለፈንትዩ፡ ቁርኣይ ለትከተበት ክመ ህሌተ ቀርእ እት ህለ፡ መዐግባይ ላኪን እብ ድራሰት ልግበእ ወእብ ተጃርብ ልትፈንቱ። በህለት ድራሰት አደብ (literature)

ኦሮት መዐግባይ ለዐግብ እት ህለ፡ እግል ክቱብ ለትከተበ ዲቡ ዘመን እት ወግም እግል ለአትዩ ህለ እግሉ። እት ሸረፍ ናየ ኬትባይ ላኪን እግል ልትዐዴ አለቡ። እግል ለገብእ ክቱብ ኬትባይ እበ ለኢከሰስ እብ ገበይ ክተብቱ፡ አቅረቡ ወእግል ትከተበ እግል ጀህት ብቀዕቱ መላላእ እት ልብል እግል ለአትዐግቡ ወልገምግሙቡ።

ዐገብ፡ እብ ክሱስ ሸክል ወገበይ ክተበት፡ጸበጥ ወእት ኬርኣት ለክልቁ ሸዑር ከምክም።እተ ክምስልሁመ እት ፍንጌ ኬትብት ወቁርኣት ክም መዐደዩ እንዴ ገብእ ክድም። እምበልሁመ እግል ለገብእ ቁርኣይ እግል ልፍህሙ ለኢቀድር ለአወድሕ፡ ለአፍህም፡ ሸርሕ ወለአደርሰ።እብ ዓመት ኦሮት ሸቅል ፍጥር እግል ለአትምሙ ለቡ ንቃጥ አሳሲ ከፎ ክም ገብእ ወድሕ።ወእግል ኦሮት ሸቅል ፈን እኩይ ወሰኒ ለለአተአብሉ ሐጃትእንዴ አውደሐ ለለአርኤቱ። አምር ክቱብ ክምለ እግል ልግብኡ ለወጅቡ ዶል ኢገብእ አው መትፈታዩ ዶል ነቅስ መዐግባይ መረ ዐገቡ እግል ልወታውት ክምቡ ፈቅድ ወሸቅሉ ለአነብት።ሰበቡ ህዩ ራትዕ ዐገብ ሐቆ ኢህለ፡ ልኢለደምዕ ክቱብ ፈሬ አውመ ክቱብ መሰግ ሰበት ገብእ ቁርኣት ልውሕዶ። ምንቱ ለለዐግብ? እግል ምንቱ ለተዐግብ ወእግል ሚ ነዐግብ? ለልብለ ሰአላት እግል ልትወድሐ በን። ተማም፡ ክሉ ለቀርኣ ናየ ረኣይ እግል ልሁብ ላዝምቱ። መዐግባይ ላኪን ምን ቁርኣይ ፍንቱይ ቱ። ለፈንትዩ ህዩ፡ አወል ህቱ ናይ አምር ክቱብ ድረሰት ለቡቱ፡እብ ሰምዒት ለኢገይሰ፡ እግል ለሀርሱ አርእስ እሰባት ለለሀይብ ወእብ ዓመት እግል አምር ክቱብ ሰኒ ወእኩይ ለለአተአብልዎ ንቃጥ ለወድሕ ወደረጀት አምር ክቱብ ለለዐቅብ ቱ።

ልተላሌ.

ዘግቢ ዘግቢ

ፈንቅል መንገአት ሕርየት! (2ይ ወናይ አንጎበ ክፋል)



ኦብዕብ፡ አዜ እብሊ ቂሾታት እግል ነአንብት። ዞበ ቅብለት በሐር ቀየሕ ሰስ ቅብዩት ከምክም። ሁተን ህዩ ትግሬ፡ ሳሆ፡ ዓፋር፡ ሕዳረብ፡ ረሻይደ ወትግርኛ ተን ወእሊ ንርእዩ ለህሌነ ኦብዶቶም ወገበይ ነቢርምለሸርሕ ቱ። ምን እሊ ክም አትመምን መዐረድ እግል ንዕፈቱ።

ጀዐፈር፡ ኦብዕብ ምስል ተአሪክ አቡዩ ሚዶል እግል ንትሃጀኩቱ? አነ እቱ ህወክ ህሌኮ

ኦብዕብ፡ እሊ ኖሱ ተአሪክ አቡከ እግሉ ለመሰሎ ፍራሰ ሸውሀደነቱ አዜ ነዐ እትሊ ጥዋሎት ክም ሐልፍከ ለህለ መዐረድ ሸውሀደ እግል ንእቱ

ጀዐፈር፡ ውይ. . ውይ ኦብዕብ እሊ አዳም ሚዶል ሞተ እሊ ሚደምቱ ወእሊ ሰጋዱ ቅሩጭ ህለ

ኦብዕብ፡ ኦብሸርክ ወልዩ ኢትፍረህ እሊ ናይ አማን አዳም ኢኮን እብ ጨበል ለሸቀ ተምሳልቱ።

ላኪን አክል ሕድ እግል ጽብጠት ጥዋሎት ለትገያሰ መሪር ሐርብ ለሸርሕቱ። ክም እለ ክም መላጼ ቀጣን ትርእዩ ለህሌክ ሲጋለት ቀጣን ፍራሰ እብ ጭመር ወፍንቱይ አስተሸህደው።

ጀዐፈር፡ ኦብዕብ አቡዩ አዩ ምናምቱ

ኦብዕብ፡ እትሎም ለልትፈረግ አለቡ ላኪን እግል ክሎም ለወክል ተምሳልቱ። አዜ ነዓ ብዕድ እግል አርኤከ

ጀዐፈር፡ ሎሂ ሚቱ

ኦብዕብ፡ ሎሂ መርከዝ ከሀረበት ሕርጊን ቱ። እሊ እንርእዩ ለህሌነ ክሬነት ናይ ሚነትቱ ወ ሎሂ መዐሰከር ቅዋት በሐር ደርጊ ለዐለ ናባልቤዝቱ።

ጀዐፈር፡ ኦብዕብ ባጽዕ ሙሽ ሕፈንተ ልብሉን ዐለው አየ ህሌት ሐፈነተ ምድር ክሉ በረድ ጋብእ ምን እርእዩ

ኦብዕብ፡ አዜ ሐን ዝላመ

በህለት ከረመቱ። አዜ ሳሊን እንዴ አዘወርኮክ እግል ነዓርፍቱ

ጀዐፈር፡ ሳሊን ለኪሰ ጩወት ቱ ሙሽ? ዲብ ቤትጎመ ህለ ማሚ እግል ኒዴ እቡ? ክእነ ናይ አዜ ሸርሐ እግልዬ

ኦብዕብ፡ ጠብዐን ሳሊን ወነ ጩወት ተ ላኪን ምነ ጩወ ለበዝሕ ወለኩብድ ተአሪክ ድፋን እተ ህለ።

ጀዐፈር፡ ናይሚ ተአሪክቱ ኦብዕብ ምን ጩወት ሳሊን ለበዝሕ ወኩብድ

ኦብዕብ፡ ናይ ፍርሰነት ወተአሪክቱ። እት ሰነት 1977 ሰውረትን ባጽዕ እግል ትጽብጥ ጅርብት ዐለት እብ ሳሊን ህዩ ልደቀበ ሁጁሞም አንበተው፡ ላኪን እግል ልትዐውቶ ኢቀድረው አክል ሕድ እት ወነ ጩወት ሳሊን ክም አተው፡ አባይ ማይ ጩወት ፈትሐ እቶም፡ እብሊ ማይ ጩወት በልዐዮም ወእብሊ ረሳስ አበይ እብ መሰባል ወፍርሰነት ህዩ ብዝሓም አስተሸህደው አቡከ ሳልሕ ኦሮት ምናምቱ።

ጀዐፈር፡ አቡዩ ህዩ ኦብዕብ

ኦብዕብ፡ አቡከ እት ሎህ ቀደሚነ ህሌት ዕዳገ አስተሸህደ። ናይ አቡከ እት ዐመልየት ፍንቅል በህለት ዮም 10/2/1990 ቱ።

ጀዐፈር፡ ከሳስ ኦብዕብ ሳሊን ንሰኡኒ

ኦብዕብ፡ ጠዋሊ ወልዩ ሕዱዳ። ናይ ምሴ ህዩ እት እፍትተሕ እግል ንሻርኽቱ ።


ጭመምመነሰበት ፍንቅል 2015 እብ ዕን ፈን ሌጠ

25 ሰነት ዝክር ዐመልየት ፈንቅል ምን ዮም 12-15/2/015 እብ ነዩረት ተዐዩደት። እትሊ ምን ዮም 12/2/015 ለተአንበተት ዝክረት ብዘሕ ፍሬ ፈንላቱ ሸቅል ቀርብ እት ዐባዩ ሆቱላት ክም ከለ ፊድሲ ወሰንትራል ሐይለት እብ አረትርዩን ወሶዳንዩን ሐልየት ቀርቡ። እተ ክምስልሁመ እብ ትሉሉይ ሰህረት ቀርብ እት ህለ፡ እት መዓርድ ዕፌ ሰወር ወተምሳላት ለለአትዐጅብ ሰወር ወተምሳላት ቀርቡ።እተ ክምስልሁመ ሐድ 8 ሕሩዶት ተማሲል እት እፍትታሕ ወእት ሲነመት አይደ ቀርቦዩ። ምን እሊ ለልትፈሀመከ ሐጃት ምን ለህሌ ህዩ፡ ሸዑብ አክል አዩ ሻምወ ሐሮ ተማሲል ክም ብዲቡ ቱ እግልሚ ዶል ክርን ተምሲል ተአነብት አዳም እግል ረኣየት ሕድ ካይድ ወ ግሱይ ለህለ ቀንጽ ሐረከት እግል ኢትሕለፋ። እምበል እሊ እት አፍ ሰጋለት ሰንተር ሐልየት ቀርብ ዐለ። እሊ ክእነ እት እንቱ እብ ክፋል ዴሽ

አሰልሐት ክቡድ ኦሮት ዶክመንታሪ ፍልም ቀርብ ወአሸዓር እብ ለትነናተ ፈናኔን ቃርብ ዐለ። እተክምስልሁመ እበ እብ ትሰዒተን ቀምየትነ ለትፈናተ አልባብ ለሳሬ ሐልየት ዐዳት እት ባኮት ቂሾታት ለዐለ መሰረሕ ቀርቡ።

እሊ ፈናኔን ለመሀዘዉ ፈን ገብእ እት ህለ፡ ጠቢዐት ለመሀዘቱ ፈንመ ዐለ። ህቱ ህዩ አግያመት፡ ሸግሊለት፡ ዝላም፡ ኦብኢሉክ ወመትግባይ ሞጀ በሐር እግል መነሰበት ሰኒ አግመለዩ ወአገረመዩ።





አድም አቡሐረሽ

ብድረ እንስ እት ኢዮቤል ፍደት ተሕሪር ባጽዕ



እተ ሐልፈተነ ምሴት ጅምዐት እት ሕሊል ሕጥምሎ-አማተሬ ኩሉ ፈታይ ርዶደት ልታከዩ ለዐለ ናይ ሰለስ ደረጃት ብድረ እንስ እግል ዝክረት ዐመልየት ፈንቅል ገብኡ።

እተ ናይ ሰላ፡ ሰማን ወዐስር ኪሎምትር ሰዐይ እንሱ፡ መትባድረት ምን ድዋራት ዕዳገ ዐጣል (ሕጥምሎ) እንዴ ትበገሰው አስክ አማተሬ እንዴ በጽሐክ እቅባለት እት ገብኡ፡ ምን ሰስ ኪሎ ምትር አወላይ እድሪስ ዐብደልቃድር ወካልኣይ ሓምድ መሐመድ ዐሊ ክልኢቶም ምን እምቤረሚ፡ ሳልሳይ ሙሰሌሕ ሰዲ ያልሕ፡ 4ይ ዐ-ሰማን አድም ሰሌማን ወ5ይ ሓምድ

መሐመድ፡ ሰላሲቶም ምን ምዴርየት ሸዕብ ዐለው።

ሐቋሆም ናይ ሰማን ኪሎምትር ክልኤ ደርበት እግል ለአትቃብሎ ለትጃገረው ሰብ እንስ እት ገብኡ፡ አወላይ መሕሙድ ዐሊ መሐመድ ምን ሸዕብ፡ 2ይ መሐመድ መሕሙድ ምን አፍዐበት፡ 3ይ ዐ-ሰማን ሳልሕ ምን ሸዕብ፡ 4ይ እብራሂም መሐመድ ሃሸም ምን እምቤረሚ ወ5ይ መሐመድ ሓምድ ኩመት ምን አፍዐበት ደርብ ሕድ አተው።

ለሳልሳይ ወለትደቀበ ሰዐይ እንስ ናይ 10 ኪሎ ምትር ለዐለ እት ገብኡ፡ መፈወድ ርዶደት ወንዳት ኤረትርየ ሰፊር ዘመዴ ተኽሌ ረሰሚ ለከሰተዩ ዐለ።

እትሊ እብ ፍንቱይ መሐመድ ዐራይ መብሩክ ለልትበሀል ጅን ምሰለ ዐባዩ ወተጃርብ ለዐም ሰብ እንስ ልትጃገር ሰበት ዐለ፡ ለጅግረ ዝያደት ለዘት ሀበዩ።

ህቱ ምሰል መሕሙድ አሕመድ ጅግረ ትርድት ወደ፡ እት አክር ህዩ መሐመድ ዐራይ መብሩክ አወላይ ተወወተ። 2ይ መሕሙድ አሕመድ፡ 3ይ ሰዲ ያልሕ ሓምድ፡ 4ይ ሰሌማን ዳውድ ሰሌማን ወ5ይ ህዩ መሕሙድ መሐመድ ዐሊ እንዴ ገብኡው ተወወተው። እት ደንገበ ህዩ መትጃግረት ምን እዴ መፈወድ ርዶደት ኤረትርየ ሰፊር ዘመዴ ተኽሌ ናይ ሰላዴ ጀዋእም ነስአው።

በኒፈር ወዐንበርቡብ እግል ካስ ፈንቅል ተልሀው

እት ዮም 13 ፌብራይር እት እስታድዩም መዲነት ባጽዕ እግል ካስ 25ይት ሰነት ተሕሪር ባጽዕ ወዐመልየት ፈንቅል ለተልሀው ፍረቅ ቅዋት ድፈዕ ኤረትርየ በኒፈር ወዐንበርቡብ ዐለው።

እት አወላይ ሾት ለትልህዩ እት 10ይት ደቂቀት በኒፈር ለረክበም በክት ኩረት ዐ-መር ረመዳን ጎል ሰጅለ። ወእብሊ በኒፈር እግል ዕርፍ እት መርሐ ፈግረው።

ሐቋ ዕርፍ እተ ገብኡት ትልህዩ፡ ባጽዕ ጊማይ ግልበብ እት እንቱ እት ሰኔት ሓለት ጀው፡ ፈሪቅ ዐንበርቡብ ትልህዮሁ

ምንመ አደቀቡ፡ ሰለስ ትሩዳት ጎል እግል ልትሰጅለ ለዐለ እለን ክወር ሰበት አብደው፡ ትልህዩ እብ ዐውቴ በኒፈር 1-0 ሰበት ተመት፡ ፈሪቅ በኒፈር ሻምፕዮን ካስ 25ይት ሰነት ኢዮቤል-ፍደት ዐመልየት ፈንቅል ገብኡ።

እምበል እሊመ ምን ፍረቅ ኮበሪት እገር ምዴርየት ባጽዕ ገደም ወሰሚንቶ እግል ካስ ፈንቅል ትጃገረው ወሰሚንቶ እበ ሐቋ ዕርፍ ለሰጅዩ ጎል 1-0 ዲብ ፈሪቅ ገደም ሰበት ተወወተ፡ ካስለ መናሰበት ቃልየት ነስኡ።



ተን። እትሊ ጅግረ 1ይ ለፈግረ ቶዮታ ለጅንስ መኪነት ጸብጥ ለዐለ ዩኤል ተስፋይ፡ 2ይ ፍያት ጸብጥ ለዐለ ያሬድ ሚዞሎ ወሳልሳይ ህዩ ቶዮታ ኮሮላ ጸብጥ ለዐለ ንያት ኑዛዜ ምን ናይ 1300 ሲሲ ሸፋገት ለበን መካይን ተወወተው። ምን ናይ 1400 ሲሲ ሸፋገት ለበን ህዩ፡ አፒል ኮርሳ ጸብጥ ለዐለ ሙሉጌታ ሃይሌ ጆፈሩ እንዴ ኢለአቀርብ አወላይ፡ ካልኣይ ወሳልሳይ ህዩ ቶዮታ ጸብጥም ለዐለው ሮቤል ፍቃዱ ወሚልክያስ ርእሶም።

እምበል እሊመ እት ናይ 1600 ሲሲ ቅወት ለበን መካይን ለትባደረው ኒሳን ዐረብዩት ጽዑን ለዐለ አሚር እማም ለገብኦ መትጃግራይ እንዴ ኢለሐልፋ አወላይ ፈግረ። ደርቡ ህዩ፡ ቱድሮስ ናይዝጊ ካልኣይ ወተመሰገን ጸሃዩ ሳልሳይ ፈግረው።

ፍደት ተሕሪር ባጽዕ ጋብኦ ዐለ። ለትፈናተው ርዶደዩን ህዩ ለትዳለ እሎም ጀዋእዝ ምን ለትፈናተው መሰኡሊን ረክበው።

እምበል እሊመ እት ናይ ነኣይሽ፡ ምግባያም ወዐባዩ ሰዐይ፡ ሕማሴ ወጅግራታት ሾሊሶል-ሽምሸም ወባስኬት ቦል፡ ክምሰልሁመ ጅግረ ዐጅላት እግል አግመሎት ኢዮቤል

ሐብሬ ትልህዩ	
ፕሪመርሊግ 21/02/2015	አስቶንቪሊ ወሶቶክ-ሲቲ 6:00
ፔልሲ ወባርንሊይ 6:00	ክሪስታልፓላስ ወአርሰናል 6:00
ሃል-ሲቲ ወኪይው/ፒ/አር 6:00	ሰዋንሲ ወማን/ዩናይትድ 6:00
ማን/ሲቲ ወኒይውካሰል 8:30	ሰንበት ዐባይ 22/02/2015
ቶተንሃም ወዊስትሃም 3:00	ኤቨርተን ወሊስቶርት/ሲቲ 5:05
ሳንደርላንድ ወሊቨርፑል 6:00	ላሊግ ሲፓንዩ
ሰንበት ንኢሽ 21/02/2015	በርሰሎን ወማን 6:00
ኮርዶብ ወቫሌንሰዩ 8:00	አትሌቲኮማድሪድ ወአልሚርየ 10:00
ሰንበት ዐባይ 22/02/2015	ሮያል ሶሲዳድ ወሴቪየ 12:00
ፔሊርያል ወኢባር 9:00	ኤሊፔ ወሮያል ማድሪድ 11:00

ብድረ ዐረባት ወመቶር ሳይክል፡

ብዝሓም ፈተኛ ርዶደት ለበ ብድረ ዐረባት ወመቶር ሳይክል ሰንበት ንኢሽ ዮም 14 ፌብራይር ገብኡት። እስልፍ እግል ጅግረ


ጽርግዩ ለትከረው አርበዕ ሰብ መቶርሳይክል ምንመ ዐለው፡ ለሰለስ ምኖም ከምረት ሳትያም ሰበት ጸንሐው፡ ምን ጅግረ

ትጠረዘው ወእት መቶር ሳይክል ኦሮ በይኑ ለትጃገረ ከለትወወተ ሰመሬ የውሃንስ ቱ።

እት ናይ መካይን ጅግረ ምን 1000-1300 ሲሲ ሒለት ለበን መካይን ዐለዩ፡ ለጅግረ ናይ መጃገረት መዕነውያት ለትረኣ ዲቡ ናይ ገያድያት መካን ቱ ለዐለ። ምኪኤል እስቲፋኖስ ጸብጠ ለዐለ አውቶብያኪ ለገደደት ሰበት ዐለት፡ ብዝሓም ሰብ ዐረባት እት ልትነወወ ትረኣው። ወእብሊ ሚኪኤል እስቲፋኖስ ለሐልፋ ሰበት ኢትረከበ አወላይ፡ BMW ለጅንስ መኪነት ጸብጥ ለዐለ ይዕብዮ ይሕደጎ ወቢንያም ተኽሰቱ ህዩ ደርቡ።

እትሊ ናይ መካይን ጅግረ ለድቁባት ዐለዩ መካይን ናይ 1300 ወ1400 ሲሲ መካይን





ካቲመ እዮብል ፍደት ዐመልየት ፈንቅል እብ ነያረት ተ'መት!



እሊ እቲ ለህሌን ሒን ለበዝሐ ክፈል ምፍጋር ጸሓይ ቀላቅል ዐድነ ከረም ሰበት ተ ምን አጸድፋ እቡ ትሸብበ አግያም እቡ ለትግልበበ ምድር ጋምል ብቅል ባቅል፡ንዋይ ርሹድ፡ ሰብኡ ጽጉብ ወደጋሁ ሓድር እት እንቱ ትርእይ።

እሊ ግርመት እሊ እብ ፍንቱይ ታሪካይ ላቱ መዳይን ዐድነ ምስሊ ለህሊ እቱ ድዋራቱ ወለ ምን ጠቢዐት ለቡተ ግርመት፡እት ረአሰ ግርመት እንዴ ወሰከ እብ ቤጽሐቱ ለአትናይቲ ወለሀግን ጋብእ ህለ።

እሊ ወርሕ እሊ ምነ እት ምዕራፍ ንዳል ኤረትርየ አካን ዐባይ ለጸብጠ ወርሕ ሰበት ቱ እትሊ እቱ ለህሌን አሌላት ለታሪካይት ዕለት አካን ለጸብጠ እቲ ሰበት ተ ዝያድ ክሉ ለትትፈቀድ እቱ ወክድ ቱ።

ዐመልየት ፈንቅል እግል ዶሊ ጮርሕ በርህት ለአጮርሐት እት ደንገህህ ላኪን እት ታመት በርህት፡ለረሀየት አብረህት ሰበት ገብአት ናይ ፍደት እዮቤሊ እቲ ለሐልፈተነ ሳምን ተዐየደት።

እሊ ምን ዮም 12-15 ፌብራይር ለዘከረት ዐመልየት ፈንቅል 15 ፌብራይር ሰዐት 4፡50 እብ ነያረት ተ'መት።

ካቲማሊ ገብእ ለአስመነት መናሰበት እብ ዝክረት ሸህደ ሐቀለ አንበተ ፈናን እስቲፋኖስ ዘማቸ ጎብዩ በሐሪ በህለት ጋብሌ በሐር ለትብል ሕላየት ፍርሰነት ማሌ እት እሊ ለህሌን እቲ ረሀየት ለትሐብር ዐለት።

ፈናኒት ሳረ ተክሌ-ሰንበት እብ ህግዩ ብሌን “ምኸርደማ” ለትብል ሕላየት እንዴ ሸአገት እሊ ጂል ሐዲስ ለማሌ ገብአት ፍርሰነት ወሐጠር አበዉ ወእማቱ፡ አብዕሪታቱ ወአቦታቱ እንዴ ወርሰ ለሐልዮም ወሰንቅዮም ክም ህለ አከደት።

ምን ጽበዋ ሕላየት ፈናኒት ሳረ ተክሌሰንበት እት ሕጽድ ኤረትርየ ወሶዳን ኑብር ለህሊ ገባይል ዐድነ እንዴ ወከለው ለመጸው ሸህን ምዴርየት አዶብሐ ለትቀደመ

ሰስዔት ወረግሰ ሴረት ረዩም ለህሊ ድዋራትን እቱ ለህሊ ዝሕሮታት ልሰዕ ድፋን ወልሐንፍሉ ራክብ ለኢህሊ ክም ዐለ ምን ዔፍየትለ በርናምጅ ለትርአ አትናያት ወድሕ ዐለ።

ሕላየ ዐብዱ እስማዒል እብ ሳህ ሕላየት መፈንገዩ ፍንጌ አዶብሐ ወአዋራፍ በሐርነ እቱ ለህሊ ምዴርየት ዐድነ እንዴ ነስአኑ፡ ምን ጠቢዐታይ መካሪት ምድር አድብር፡ ዐኽል ወረወራት ለበ ምዴርየት አዶብሐ ወሕዱድ ሶዳን እት ናይ ደቃይቅ ወክድ እት ጋድሞታት በሐር ወየውየዌት ጸሓይ ለቡ ድዋራት እቱ ለህሌት ምዴርየት ገልዑሉ እቲ አቴኑ።

እሊ እት ሲነመት ሲጋለት እንርእዩ ለዐልነ ተቅዩር ወእንቀርአ ለዐልነ ልእክት እብ ገበይ ሸህን ክልኤ ለምዴርየ ቀርብ ለዐለ ጽበዋ ለልሐብር ሰበት ዐለ፡ ምዴርየት ገልዑሉም ውላድ ዐፈር እንዴ አፍሬት ዓዳቶም ወርሶ ክም ህለው ለአከደት መናሰበት ትረከበት።

ምነ እብ ሕላይ ትግራይት ወእብ ፍንቱይ እብ ሕላይ ግርመት አንሳይት እሙር ላቱ ምጅተመዕ ምኑ ለትወለደው ሸህን አፍዐበት፡ ግረ ሸህን ምዴርየት ገልዑሉ፡አበምም ወአብዕሪታቶም ለሐድገው እሎም ማራሰ ክም ማረሰዉ ለአከደ ዕፌ ዓዳት እብ ክርን ወአሸዓር ዋዑም ሰበት ትቀደመ ሸዑር ክል እቲ ሲነመት ለዐለ መሻርካይ ሰበት ሰሐብ አዳም ሰፈገ ወእት ረአሰ ከራሲሁ ከሰከሰ።

ግረ ሸህን አፍዐበት ወራታት ዓዳት፡ ፈን፡ መንበረት፡ ዕፌ ውበዕድ ለከምክም በራምጅ ለኸሰሰ ተቅሪር፡ እብ መስኡል ቀድያት ተንዝም ጅ/ሽ/እግል ዲሞቅራጥየት ወዐዳለት አቅሊም ቅብለት በሐር ቀየሕ አሰይድ ዐብደሊጢፍ ዐብደሊ ሙሰ ትቀደመ። ህቱ እት መጃል ሙሲቀት ዓዳት ወሕላይ እቲ ቀደመዩ ተቅሪር፡ ሙሲቀት ወሕላየት በዲር፡ እሊ ለተሉ ለብብሰ፡ ግድሉ፡ ሰርጎ፡ መንበረት፡ ብሰር

ውበዕድ እቡ ለትሰርጌት ሰበት ተ፡ ለበዝሐዩ ምዴርየት እግል ልመሰላሁ ክም ቀድረዩ፡ ገሌህን ላኪን እብ ሕው'ነ ወኢረኪብ ደይፊክተራት ፈን ርዙቃት እት እንተን ክም ሐግለየ እንዴ አፍሀመ፡ አቅሊም እግል እሊ ዝሕሮታት እሊ አካን እንዴ ሀበዩ እቲ ልትነሸር ለዐለ ክቱብ ምን ኢነሸረዩ እግል ልትወሰቅ ለወጅቡ ዝሕሮታት ክም ከሰረ አፍሀመ። ሐቀሁ ተቅሪር ለቀደመ መስኡል አሳር ለአቅሊም ወመስኡል ልጅነት ቀወሺ አሳር፡ ብሰር መንበረት ውበዕድ ላቱ ሻብ ዩውህንስ ገሬዬሰሰ ቱ። ህቱመ እብ ክሰሰ ጽበዋ አሳር ወለ ትቀደመ ሰወር ወጽበጡ ወለመሰሉ እቲ ቅውደመዩ ተቅሪር፡ ለበዝሐዩ ምዴርየት ለህሊ እግልን ዝሕሮታት አሳረን እብ ገበይ ሰኔት ቅዱማቱ ምንመ ዐለዩ፡ ገሌህን ላቱ ምን አካኑ እግል ልትሐረክ ለኢልሰመሕ እግሉ ብዞሕ ሰኖታት ለአዶረ እንዴ ጸብጠዩ ማጽኣት ሰበት ዐለዩ ለለአሰክብ ክም ኢኮን እት ለአበሪህ፡ ገሌህን ህዩ እብ ሕውነ ሸርሐት ለዐለ እግልን ዝሕረት እት ልብ ዔፍየት ለ'ተርፍ ልእክት እግል ለአብጽሐ ክም ኢቀድረዩ አፍሀመ።

ምን እሊ ተቅሪር እሊ ህዩ እት ለትፈናተ ህያበት እግል ንትዐዴ ሳዐት 6፡00 ዐሰር ናቅሰ ተለው ወዴት።

ለህያብ እብ ሓክመት ለአቅሊም አሰይደ ጸገሪደ ወልዴገርጊስ እግል ሰክርቱር ጅብህት ሸዑብዩት እግል ዲመቅራትየት ወዐዳለት አሰይድ አልአሚን መሐመድ ሰዒድ ሐቀለ ትቀደመት፡ እብ ሰም ጃልየት ኤረትርየ እት በርሶዳን ውላየት በሐር ቀየሕ ሶዳን አሰይድ ዐንዴማርያም፡ ግራሁ እብ አንሳት ሸህን ወመሻይክ እግል መስኡሊን ሕክመት ወለአቅሊም ተሀየቡ።

መስኡል አሳር ወዓዳትለ



አቅሊም አሰይድ ሰራጅ ሐጂ እቲ አቅሊም ለልትረከበ ወእግል አግመሎትለ መናሰበት ዶር ዐቢ ለቀደመዩ ምዴርየት ቅርረ፡ አዶብሐ፡ ነቅፈ አፍዐበት፡ ሸዑብ፡ ግንደዕ፡ ባጽዕ፡ ፈር፡ ገልዑሉ፡ ደሀለክ ወምን አቅሊም ዐንሰበ ጋሽ-በርክ ወምግብ ለሻረከው ምዴርየት ወፍረቅ ሸሃደት መሻረክት ሀበ።

እሊ እንዴ ተሉ፡ ለእግል አርበዕ አምዕል ገብእ ለአስመነ በራምጃት እቱ ለትወወተየ ምዴርየት ለልትአመረ እቲ ሳዐት ሰበት ተመት ክሉ እቲ መናሰበት ሓድር ለዐለ ሸዑብ እዞኑ ሌጠ እንዴ ኢገብእ አፋሁመ እግል ዝያድ ልስመዕ እንዴ ፈትሐ ክርንለ መቀድማይ እግል ልግሌ ትዳሉ።

አሰልፍ እበ እት መጃል መንበረት ብሰር ዕፌ(ኤግዚቢሸን)፡ ሕላይ ወዓዳት ሳልስ ጀዋእዝ ተሀየቡ። እብ አሳስ እሊ፡ እት ቂሾት ብሰር መንበረት ሳልሳይት ምዴርየት ገልዑሉ፡ እት ኤግዚቢሸን ምዴርየት ፈር፡ እት ዓዳት ወሕላይ ህዩ አፍዐበት ጀዋእዝ ምን መስኡል መጅልስ ለአቅሊም አሰይድ ኢብራሂም ዐሊ ሼክ ተሀየቡ።

ግራሁ ለተለየ እትሊ እንሰምዩ ለዐልነ ጅግረ ካልአይት ደረጀት ለረክበዩ ዐለዩ፡ እብ አሳስ እሊ ህዩ

እት ቂሾት መንበረት ብሰር ወአሳር ምዴርየት አፍዐበት፡ ኤግዚቢሸን ምዴርየት ባጽዕ፡ እት ዕፌ ፈን ህዩ ምዴርየት ገልዑሉ ጀዋእዝን ነስአዩ።

እት ካቲመሊ ዐለሎትለ ዕውታም መጽኣት፡ እት ቂሾት መንበረት ብሰር ወአሳር ምዴርየት ነቅፈ ምን አሰይድ አልአሚን መ/ሰዒድ፡ እት ኤግዚቢሸን ምዴርየት ግንደዕ፡ እት ዕፌ ፈን ወዓዳት ህዩ ምዴርየት አዶብሐ እንዴ ገብእዩ ማል ወሸሃዳት ትሰለመዩ።

እት ካቲመሊ መናሰበት መስኡል ልጅነት ዓያድለ አቅሊም ወመስኡል መመቅርሓይ ሸቅለ አቅሊም አሰይድ ክብርም፡ ዐመልየት ፈንቅል ምነ እግል ሕርየት አድማይ ብዞሕ ለትከዐ እሊ ዐመልየት ዐሰከርየት ሌጠ እንዴ ኢትገብእ ትንፋሰ ረሀየት ወሀለዮትን ለአከደት ሰበት ተ፡ እግለ ለትደፍዐ ዐውል ቃሊ ከባደቱ ምን ግም እት ግም ትትዐዴ እብ ሀለዮተ ፋርሕ ክምቱ እንዴ ሐበረ ዝያድ እግል ንትሓፈዝ እቲ ትወሰ። ወለመናሰበት እብ ግግለት እግል ትትዐየድ ዶርም ለቀደመው አፍራድ ወጀሃት እንዴ ሐመደ ሳዐት 6፡20 እብ ነሺደት ወጠን ለሂበት ጀዋእዝ ተ'መት።

